


齊
藝
館
集
元



大司成即墨礪齋周先生
集叙

昌黎韓子曰仁義之人其
言藹如是語也聞之矣未
見其人也於以求諸古惟



顏子足以當之顏子以知
十之資幾庶之炤發而為
言固足以經緯二儀旁羅
萬象何所不具而顏子無
是也其在聖門請試彌勇

而常苦仰鑽瞻忽之艱所
見既卓而欲從末繇之嘆
退焉如有所未逮者豈非
若無若虛如愚非助之真
體也哉後世學術有幾於

是者惟漢黃叔度時所推
為顏子而獨墮然其處順
淵乎其似遺言論風旨罕
所傳聞故處右文之際班
張馬鄭之流辭賦章句騫

長競華煒燁自表而叔度
悶然其間間出片詞諸子
相顧讐服無能加其上何
也叔度之異於諸子者有
意無意之間也余於是而

有感於吾師即墨周先生
之文也先生天質粹美敦
篤沉睿其搜簡綴文之初
人皆目為任長孫王仲宣
之儔及長博記羣書家故

富縑緗連屋克棟先生寢
處其中披吟晝夜不輟於
是遂無所不窺得第後入
承明著作之庭朝省洪篇
大製率就先生以為粉黼

詞林前後莫不延佇而推
遜之繇是即墨言語文章
遍于天下余雖及門甚久
而於宗廟百官之觀蓋闕
如也先生既沒其文之留

傳大者遠者故以沾溉寓
內而其仲子取笥中所遺
藏於家者間以示余余收
而卒業拊膺嘆曰吾師泰
山梁木之思意在茲乎意

在茲乎蓋思其德而知其
文之必肖今讀其文而益
信其德之無涯也夫先生
之學廣大精微如鄧林祀
梓於材無所不備如武庫

戈戟於用無所不精而又
運以班輸郢匠之巧風胡
熊渠之技安所不窮其瑰
瑋極其犀利者而先生之
意勿寧爾也今觀其所為

諸體雖靡所不有而一發
於性靈大率先生以孝友
之性沉摯之詣多與人為
善且鑿鑿悉經濟石畫然
而含蓄雍容坦夷簡曠此

雖精能之至復於平淡抑
亦顏氏之善言德行也夫
昔臨朐馮宗伯每謂余曰
君師之文冲而不盈淡而
甚遠遂為一代貴重之品

余深服其言則韓子所謂
藹如之言舍先生其誰與
歸哉余於是益幸其得為
顏氏之徒而幾不欲復立
文字也

賜進士出身通議大夫禮
部右侍郎兼翰林院侍
讀學士

兩朝實錄副總裁
經筵講官前詹事府詹事

掌府事國子監祭酒司
業門生東蒙公彙頓首
拜撰



周季平先生青藜館集叙
在

神廟己丑南宮得士晁盛爾

時天都許文穆公柄衡放
榜前一夕夢五色雲中須

善提數人以阿羅訶下界
覺而說之語副考王忠銘
先生具五所弋必異是以
人倫完冕則有白下焦弱
侯制義首萊則有吾鄉陶

周望一時履奎簪盍盡在
木天孰中鼠噪乃余座師
南充黃昭素雲間董玄宰
長沙莊冲虛關中馮少墟
而三齋則

周季平先生更提牛耳余
奉先生之教則在南充師
座又時共酒於玄宰齋頭
先生若有深器焉者歆仰
南畿之後先生副周望柄

衡而余以分房侍几覲舊
給諫郝仲輿得張賓王卷
上之先生閱詩大為欣賞
定解矣而余得王聖俞卷
上之先生即以解易王不

青藜舍集
序
忤也程式首篇出先生手
大約謂帝王之道統即其
相傳之學術道統於聖而
聖承天遂開七千君子
光明眼藏表策工麗博瞻

如龍珠眩海鳳繡摩霄刷
工未完寫新洛陽之紙南
國人士私相語曰此真洋
洋大國之風歟先生賦貌
惘悞便言笑不苟立

朝止有正色不能戚施首
秉循次至國于祭酒天下
望其大拜會師相李文節
公見愠多口攻之百端隨
波及門生竟以此棍揆路

事在黃官諭傳中余垂老
過嶺南晤哲嗣凌江太守
出遺文微弁余視先生為
師執夙辱知交即弗文邦
辭也魏文帝曰富貴年壽

皆有窮盡惟文章經國大
業不朽盛事而于建亦言
吾道不行采庶官之實錄
辨時俗之得失定仁義之
衷成一家之言雖未能藏

之名山將以傳之同好曹
氏兄弟各有肺腸而其言
文者似皆殊塗合轍近代
文字見館課則謂其繪刻
無神也肥郁無骨也堆沓

可駁也於是山人墨子懷
其酸餽被其結鷄以相標
榜儼若走高清之路自余
視之其為風馬牛不相及
也若先生之文莊嚴有體

化裁以法賦準駱廬詩根
騷選律在開元大曆之間
古則太白少陵之際
王言典重不以甘字酬金
桐序芳葩每用他山攻玉

其它說議記解之確鐵畫
不移歲銘誌表之精珠琲
共貫即長書短札奕過蘊
黃衰命招步傷同景宋而
余所心醉者建

本論列續戰雄張表節陳
情所耗盡裂則先生大孝
大忠之氣行江河而燦日
月者也至於為友情溪居
鄉德厚程遷城之狂吠擴

新廟之文顏先生蓋天有
氣義夫有經濟者使得坐
禮夏而參

密勿必當保恭運以福震
亨慶醜周召何能多讓然

而位不至宰相壽不登
期則造物忌才謂其大業
具在矣豈不惜哉余聞之
佛說四果預流先生仁器
切圓乃斯陀舍之二果一

來不再須善提入夢先生
一人矣是時東阿于穀峰
臨胸馮用韞兩宗伯者皆
當代鉅才至先生而固
朝公鼎足岱秀揮天不干

里而齊魯之境青竟未了
帶暎茲集有以夫

賜進士第奉政大夫修正
庶尹奉

勅整飭饒南九江兵備江

西按察司僉事通家晚
侍生山陰王忠任撰

王忠任

王忠任

周季平先生青藜館集目錄

卷之一

賦

日重光賦有序

五言古詩

贈周用修

莊誦 宣宗御製翰林院箴有述

君子有所思

代凜凜歲云暮

清秋瀛洲亭講業作

和淵明九日閒居

奉詔修省

顏神山中

觀運甓圖有感

七言古詩

送董思白謫楚學憲

送傅湯銘之南都司業兼懷焦漪園

擊劍篇

送羅龍臯給諫被謫

河間孝子歌

春日偕江健吾孫肖溪遊舍風嶺

五言律

馮宮詹邀同焦漪園夜飲遇雨呈謝四首

薊門早秋

黃平倩病起偕區用孺林咨伯過訪留飲

四首

得區林二丈隣居詩獨恨敝居之遠奉和

自慰

九日飲興德寺池臺二首

贈崔昌平八首

淄川月夜朱海曙邀飲王氏園亭四首

曉發金鄉望光善寺塔東桂微室二首

遊仙人洞二首

于穀峯老師贈詩四首和韻稱謝

七言律

送許公歸田四首

黃金臺懷古

早發望岱

渡黃河

陳畱詠古

尉氏懷古

過東阿爲于穀峯老師祝壽四首

古洞棲霞

梵刹鐘聲

山亭樵語

溪橋煙柳

遊法海寺二首

黃石宮二首

白雲庵二首

曹南仙桐

題王念野雲耕山房二首

王明吾使遼過里詩以訊之

孟夏陪祝太廟恭述二首

李母慈節

送曾石甫

春日送李百原侍御閱關

送王念夔按楚

送包大瀛還貴州時省疏公爲首云

苦旱

朝之前一日宿孫郤浮給諫宅作

送齋捧御書山東者

送李霖寰遼東開府二首

送喬裕吾給諫二首

題鄭公招隱園

送邢水部迎養之南都二首

五言排律

雨渡膠萊河宿河東壞館夜坐卽事
是夜五鼓復雨達旦不止獨坐卽事

七言排律

皇極門早朝

七言絕句

詠史四首

塞下曲四首

嘆白三首

制草

尚書趙煥

侍郎馮琦

尚書李戴

侍郎李廷機

侍郎趙世卿

尚書田 樂

尚書邢 玠

尚書蕭大亨

尚書楊一魁

簡討朱國禎

簡討朱延禧

郎中王成德

主事崔應科

巡撫尹應元

巡撫劉易從

布政孫維城

副使荊州俊

知府汪應泰

推官田貢國

推官高折枝

推官胡東漸

知縣李夢熊

知縣張其忠

知縣鄭振先

知縣孫夢桂

知縣周朝重

知縣翁汝進

知縣金勵

知縣周三嘉

知縣任時芳

知縣趙思忠

知縣史紀事

知縣翟耀

知縣周仲士

知縣晏景卿

知縣張進

周季平先生青藜館集

明 卽墨周如砥季平著

門人東蒙公 龔孝與較



賦

日重光賦 有序 館課

昔者聖人繫易象日於離日君象也其在上下
皆離之卦曰重明以麗乎正乃化成天下則出
震繼離之說所從來矣是以周武嗣文謂之重
光而漢明在青宮樂章之名以之德各不同其

有見於重明化成之義一也臣伏覩 皇上
聰明天縱光於四方而 皇長子冲睿宣哲夙
負元良之望此豈止燦彩於前星流潤於少海
而已乎固所謂日以麗日運臨炤於無疆明以
生明軼休光于百代者也臣不佞謹稽首頓首
爲賦

賦曰至陽之精是謂耀靈朱輪斯轉黃道攸行浴
虞淵以潔朗出暘谷而曠曠呈蒼涼乎初曙布炎
赫乎方中紛可愛而可畏豈時縮而時盈蓋聞戴

冠抱珥表王者之上瑞又或赤暈玉宇昭盛世之
休徵五色亦所時有重光眇其希逢至矣哉人事
動乎天監層輝發乎翔暘烈景宛其相麗采晁合
而成章珠連兮華若木之未璧合兮匪太陰之傍
色陸離乎昆吾影婆娑乎扶桑烏聯翻以接翼驥
方駕而騰驤霞游開以簇錦火益熱其探湯爾乃
中外晶瑩乘承炤爛鬱儀羲和旁窺四盼耀火齊
以金鏡迸流星於飛電摩銅鉦其無聲發輕花而
互艷驪龍之珠競吐鍾山之燭爭艷田夫訝其倍

暄葵藿感而深戀夸父棄杖以恍惚離朱披雲而
目眩魯戈憚其兩指弄繳拙於雙貫爾乃凝盛魄
之輪困浮皓質之歲蕤叠射黃金之榜叢暝赤羽
之旗臨仙掌以駢映繞龍鱗而交輝散幽光於繡
閣開宿陰於彤墀太液之波如沸上林之露其晞
敦覆益而豐蔀比累洽而重熙嗟乎作述顯承是
佑是啓天曰重明人則濟美仰青宮之岐嶷瞻玄
象之伊邇載謳載歌其云有子謨烈煌煌光於遐
紀

五言古詩

莊誦 宣宗御製翰林院箴有述 館課

我聞古明良交警流徽音臣規而主勅高風益所
欽王路嗟陵夷此道幾陸沉亡從鏡衰闕遑復及
官箴我明啓曆祚 章聖揚芬馨爰及輔導義
譬彼礪與金厥職一以曠天工孰與任奎文揭清
署臣鵠見皇心言言垂藥石字字披球琳想知地
天泰皎如日月臨飛白誰謂榮蓮炬誰謂琛大哉
此王言睿旨淵以深瞻茲經術士蟬蛸出以陰願

言相勉旃名實鐫鼎鬻永與聖人謨千年重禁林
天
觀運甃圖有感 錄 課

青山入官舍蒼藹護庭除當軒伊何人運甃良勤
渠五馬渡江水百年成丘墟言廻西流光生色落
炤餘世人久疎曠浮雲自卷舒未能躡高步對此
空躊躇

周用修謁其父太霞先生祠于真陽涉河遊
塞下意倦圖歸迂道訪余太霞終襄王紀善
獲交李王諸名家用修肖焉又曾有讓田事

爲士林所推余以雅慕且值歲杪爲賦此留
之

六合寄萍梗一投澹膠漆傾蓋白日暮解佩西風
急青燈笑著化金卮媚生色意氣何慷慨世路良
偏側龜陰君自薄下璞誰能識行矣南辭楚駕言
北遊息息邑名
卽真陽其棠多遺愛廟貌崇明德俎豆詎
有涯文章故無敵曳裾失應劉餘波蕩藉湜片言
已不朽千秋况血食東郡罷趨省蓼莪生感泣邑
人去見思遊子情何極遊說百不成還家復相歷

青藜集 卷之一 四
嵩少拭目存河洛沾襟濕死者如何起隸也實不
力語發淚隨零聽之不能畢嗟余久伏枕聞君忽
倒寫愛人及屋烏覩毛見池翻風欽紀善名早入
濟南室有子不落莫有交爲斥責霜重草帶丹月
冷松籠碧歲晚應須留人生盡爲客且浮綠醕春
共醉紅爐夕郭外田單壘海上秦皇石明發請從
游逍遙話干島

君子有所思

吳峯高參差漢水橫長渡有懷同心人高歌向岩

戶蘭蕙發幽巉秀色含霜露雙飛未可憑至精誰
從悟流光自荏苒美人嘆遲暮聚散悲浮雲翩翩
感庭樹曉望在崖間蒼茫起烟霧

代凜凜歲云暮

滄海爲桑田桑田復白波相思動經歲人生知幾
何憶從蹇修來蘭麝飛衣羅良人重遠遊光景成
蹉跎豈無青鳥翼當天懸明河含情幽窓下竟夕
理寒梭疎櫺回皎月清影搖婆娑綠綺未敢彈悲
聲傷我和徘徊向曉鏡掩淚憐修蛾

青藜舍集 卷之一 五
和淵明九日閒居

玉露楓林晚蒼翠相離披黃花吐冷艷報我重陽
時避世憐金馬耽幽托東籬天清鴈聲遠人靜松
陰移煙容澹孤岫霜鏡澄秋池曲江何寥落龍沙
紛旌旗山萸寒委佩落英咲空卮獨懷千古意細
和淵明詩蕭然短亭上杳如同風期

清秋瀛洲亭講業作

瀛洲秋色滿白露生芸蓀蕭蕭此亭上幽意獨難
論大雅久不作吾道嗟陸沉池水遠天淨悠悠見

我心霜林起寒鳥井梧搖疎陰鳧魚自造化鄒魯
空荆榛卓彼河汾子登壇稱素臣高踪躡百代餘
輝耀千春如何濟南生九十誦古文石渠連漢苑
日星隱浮雲感此重歎息矯首瞻秋旻昏衢有華
燭大道無迷津前綬如可企泗上揚清芬

奉詔修省

靈雨何愆期民瘼嗟孔棘九步揚飛沙隴麥無青
色懸磬徧窮簷推溝動宸極靡愛太乙牲總減尚
方食六事桑林情一懷三嘆息朝曦上龍樓雲漢

相悠悠詔書中禁出丹陛羅公侯聖情重股肱
然念交修未解挽天意何以答皇休黻袞自無關
臣職多愆尤齋居向幽窓窓影搖迴光對此意耿
耿言念增徬徨涓涖亦何補濡鵝隨鷓行疇能將
寸誠格此萬里蒼半天落餘炤低回羞夕陽中霄
望星河縱橫含晴波深潭龍不出西郊雲空多古
人亦有言人事生天和商霖看只尺大地霑滂沱
堯憂一日釋有年騰謳歌

榮澤雨坐卽事用壁間韻

去住自非我遑暇問征路朝日澹霽色四牡鳴烟
霧悠悠倦客心愛此雨中樹題壁者誰子相對恣
傾吐我聞桑下宿淹速亦云數斯時與斯景誰令
兩相赴簷溜浙瀝聞芥舟縱橫渡忽報新晴開飄
然遺所顧

顏神山中

山裂人踪入崖懸箭括通經由是何代剖判自神
功曲作黃河折難應蜀道同鳥飛霄漢外客列幃
屏中但恐前途雨全廻兩竿風蔽虧先得夕起伏

欲成虹樹杪輪蹄出巖腰
禾黍豐驅車時轉側夾
路總巖崑並峙雙丹巘
孤窺一碧空吟嶮疑虎穴
浪瀾俯龍宮谷口明方漏
關門勢轉雄信憑一夫
力天險爲齊東

七言古詩

送董玄宰謫楚學憲

漢家才雋何紛紛
簪筆侍從如烟雲
禁闈頗饒中
視草外藩不惜出
衡文去年延壽歸
天水子淵十
載猶旃毳三策從來羨
董生只今又趣江都轡
升

沉那不沐皇靈可憐
白璧飛青蠅金馬門前幾人
在相看落落如晨星
迢迢漢水碧縈迴雲夢
瀟湘
秀色開先生別有煙霞意
長揖青宮歸去來都門
白酒爲君沽君抱蕭然冰
在壺欲煩更出橐中穎
勒作春明送別圖

送傅湯銘之南都司業兼懷焦漪園

鷄鳴桃李多新栽
二月東風吹未開
由來霖雨君
家事寧辭暫與濯
枝來兩都相望烟雲
繞干旄高
暎蓬萊曉文章八斗
珠璣駢功名三十
臯比早秣

青藜集 卷之一
陵王氣日葱葱詞人六代爭豪雄可能滿酌泮池
水傾觚喚起鍾山翁驅車明日太行西垂楊夾路
聞鶯啼片帆細雨秋江上芙蓉倒水沿金隄同心
昔友今巖居卷藏大道迹空虛相逢儻訊余何狀
問字無從但嘆吁

擊劍篇

我有歐冶劍昔磨若水溪十年未曾試出匣風淒
淒鐵英金穎何奇特綠龜文繞青蛇色寶鏐直冲
牛斗寒神光迥與秋霜逼長安擊劍多俠斜相看

瑞氣生明霞萬道虹霓忽舒卷繽紛亂落芙蓉花
還如颯沓奔流星晴空隱隱來風霆荆玉驪珠自
掩暎晦冥上下迷蒼青鼓棗當年亦自勞勾踐日
動荆卿迹何當抵掌向伊吾斷蛟瀚海澄波濤盛
世由來重干羽蕭曹帶劍揖明主我亦于中悟草
書不羨區區渾脫舞

送羅龍臯給諫被謫

把酒欷歔與君別十載交情兩行血日隱蒼穹氛
襪多雲迷青瑣封章歇出來平地伏含沙鬼物偏

青藜集 卷之一
九
瞰高明家君心皎皎霜空月肯因圓缺生咨嗟憶
昔中秘稱同舍笑談珠玉相傾瀉接席梁園授簡
時聯牀禁雨燃藜夜此去磯山翠色秋回頭應復
見瀛洲試訂後期杳無日長河帆影空悠悠河岸
參差多綠楊一枝相贈轉心傷猶憶去年春苑裏
幾因折柳諫君王

河間孝子歌

滹沱流水碧如黛潺湲環抱王城外元氣鴻濛日
夜浮太古渾灑依稀在歷山人去幾千霜終身之

慕何渺茫卓彼八十廬墓者真令重華生耿光八
十飄瀟嗟白首上有高堂九十九不辭飴背舞斑
衣笑展龐眉進春酒雲輶一夕駕秋山相送雙淚
紛流漣誅茅寧避荆棘底托身願在椿萱前昔為
椿兮髮正青瘠毀醜似衰翁形今為萱兮鬢已禿
哀哀却作嬰兒哭嬰兒哭慕何時歎墳成十指淋
漓血乳兔宵號原野烟孤鶴曉唳松楸月煙月綿
綿幾歲年一苦寒與水霜堅心逐魚燈炤玄室夢
隨鶴馭飛遙天天帝聞之亟幽討和風敕共祥雲

統三百周詩失蓼莪二千漢代重芝草君不見少
壯燭武不如人老向汜南還退秦嗟公底事沉淪
从突兀空餘孝子身龍章赫赫表高門始信孝子
是忠臣吁嗟乎始信孝子是忠臣

春日偕江健吾孫肖溪遊含風嶺

憶昔卜築山之阿山青雲白相嵯峨無端橐筆隨
鸞坡曉猿夜鶴奈人何東風吹綠春堤柳遙指春
山停四牡高陽社畔邀故人杏花村前載尊酒村
煙盡處山色明千巖萬嶂色逢迎路石時作神羊

起風枝盍學仙鸞鳴衆峯俄從四面集一踪纔可
單車入犬吠鷄鳴異人世荆扉茅屋懸天際天際
煙霧紛橫斜仰躡虎豹穿龍蛇蒙茸芳草盈平沙
欲步每惜青青芽一派寒泉落高岸奔向橋頭忽
不見沉波伏流二百步門邊突吐清如練造化妙
理誰能窮幽人勝地嗟難逢三杯咲傲白雲中卽
此便是蓬萊宮蓬萊宮裏神仙宅含風嶺外紅塵
隔始信洞天別有天不知身世誰爲客漁人好泛
武陵舟落花不惜隨東流當年奕跡垂千秋斧柯

青藜舍集 卷之二
已爛山東頭屋前屋後閒雲繞道士相看懶不掃
高徑微茫杳若蝸狂客攀緣疾于鳥返炤未收皓
月來輝光晃耀金銀臺江淹賦罷呼金壘酣歌數
闕眠蒼苔一任筆花夢裏開五斗相將尋野梅孫
登長嘯動山河盈杯旨酒丹顏醜螟蛉螺贏足呵
呵寧辭罵坐嬰禍羅君不見朝來白髮映明鏡水
萍風絮那能定碧山銀魚我欲焚青樽綠蟻君堪
共雲滿巖巒巒風滿林勸君切莫動歸心試卜重遊
知何日回首澗樹生層陰

五言律

馮宮詹邀同焦漪園夜飲遇雨呈謝四首

杯酒論文日相看青眼開塵揮飛玉屑花落點金
壘殘暑隨風盡新涼逐雨來共憐陶謝手秋賦好
重裁

其二

風雨青尊夕梧桐白露秋宴開金馬主
即用掌院事客
有老龍頭炬作蓮花吐杯看竹葉浮高談渾不盡
良夜自悠悠

其三

哀時及詞客惜夜且芳醴海水東流黑胡天北望
青鐘分長樂殿人醉草玄亭不是宵來雨還應見
德星

其四

總對文章伯其如樸檄才談天碣石近擊筑酒人
猜紫燕穿雲出朱華冒雨開由來爲幽興欲去重
徘徊

山行擬訪周苻浦不果已而過其先中憲廉

憲二公所建塔廟讀遺碑及苻浦所撰新
碑有感却寄二首

憶戴翻中輟迓禪又此經古碑分蘚綠高塔亂松
青文采徵家世功施及杳冥踟躕回望處寒色滿
郊垌

其二

豐石峨雙峙居然見古今青鐫猶在眼白髮漫傷
心倦馬嘶盤逕寒鴉集暝林蘇門無客嘯歸去獨
行吟

喜張懷海山人造訪瓦庄四首山人故諸生
精地理卜算之術

一別餘十載重逢已二毛風雲思欲盡湖海興猶
豪囊括青山色談飛大海濤却羞曼倩冷不敢問
綈袍

其二

謔禪新茹素投筆罷題橋指點千峰近遨遊萬國
遙世誰容濩落君自托鷓鴣握手平郊外春風綠
麥苗

其三

有意從詹尹逢君喜氣饒幾憐秦地脉曾在漢官
鑣天意存龜策人生但鹿蕉請推何代客犯斗上
青霄

其四

葱鬱瞻佳氣徘徊向遠臯買山錢未辦問卜意空
勞術羨年來驗名知老去高相看人世短髮任
蕭騷

薊門早秋

青藜舍集 卷之一 十四
涼氣薊門早蕭條忽已秋遙天鴻欲度落日火初
流野曠悲清角煙寒冪戍樓風霜自臣節肯爲歎
淹留

黃平倩病起偕區用孺林咨伯過訪留飲四
首時食蜀魚

金莖露欲滿蜀客渴初除知己同幽思聯鑣問索
居星河庭樹杪意氣酒盃餘刻燭新篇在誰當步
子虛

其二

小苑涼先得清談夜未央經旬憐寂寞把袂已飛
揚暗響風傳漏斜暉月度牆偏宜銀漢近千頃共
汪洋

其三

入牖芸香細開樽竹葉新寧須投轄欵轉爲閉關
親妙辨聞非馬嘉餐出素鱗寒螿秋草裏似我和
歌類

其四

貫酒怡燕市論文况北扉月看三峽近魚帶錦江

青藜舍集 卷之一
肥夜色開軒霽秋聲出樹微從來愁肺病飲此忽
忘歸

得區林二丈隣居詩獨恨敝居之遠奉和自
慰

卜居燕市裏頗亦遠風塵綠樹聞黃鳥金盤俯錦
鱗草玄寧寂寞辟世故沉淪二妙如相憶天涯是
比隣

九日飲興德寺池臺二首

古寺青林外平臺綠水涯寒塘雙鳥影曲岸幾人

家黃酒芳樽媚檀陰綺席斜君恩偏侍從特許醉
黃花

其二

水色侵衣上花香繞座聞帝城連遠浦賓鴈入寒
雲樹杪千山迥池邊衆壑分夕煙天闕北回望正
氤氳

崔昌平公精醫善詩膠東之世族也謝政東

歸復道京叙別因感舊雅得詩四首贈焉
偏愛沉冥趣聊同汗漫遊越壇原結雉齊海暫辭

陽道大回春易心閑覓句幽故山猿鶴侶莫謾夢
相求

其二

簪笏辭頽景刀圭駐晚顏看方臨上帝棟藥識名
山鶴逸傳清響龍來問大還壺天何處是薇色蔭
松關

其三

循吏西京傳文才稷下譽蒼穹知赤念黃帝托丹
書芳草條風裏韶華正月餘燕臺回首處鬱鬱海

邊閭

其四

淵源分綠字出處近丹青下場南州重看山西野
遙分曹惟上宰領蓋半清朝香雨蘇門夜神功可
共標

淄川月夜朱海曙邀飲王氏園亭四首

淄水停驂日名園載酒過池風清石几松月下烟
蘿入座星河動親人魚鳥多同袍今地主無問夜
如何

其二

勝地逢良夜青尊發浩歌雨餘花氣重雲盡月明
多芳徑斜隨燭征衣翠染蘿相看饒意氣林樹轉
婆娑

其三

座有河陽主花如上苑濃松長堪宿鶴槐老欲成
龍入洞探玄髓登臺數近峰境佳人自醉况復對
歌鍾

其四

地僻囂全絕林深暑盡消覆荷低翠簟疎竹淡青
霄樂奏池魚上詩成月鵲遙勝遊應自惜門外有
征輶

曉發金鄉望光善寺塔東桂微室

西國浮屠近前朝苔蘚多瑤鑿深篆鳥峭級迴旋
螺秀色窺虛牖清香送曼陀却思談笑夜客路欲
蹉跎

遊仙人洞二首

小洞石門入懸崖丹磴開羊鬚應恍惚蝸路幾縈

青藜舍集 卷之一
廻穴盡天光出風高爽氣來悠然俯人世卽此是
蓬萊

其二

陶唐是何代營窟向津涯蘿薜山門古莓苔石徑
斜晦暝迷日月迂曲入烟霞可知九天上別自有
人家

于穀峯老師贈詩四章和韻稱謝

望入平津邸游從濟北城薇垣瞻氣色茆屋識平
生欵作家人語親看國士情別來無可道時復頌

明明

其二

岩扉春寂寞窓竹日平安雲護東山榻溪橫渭水
竿雜花迎砌上疎雨對燈看移席驚棲鳥羣飛正
劇乾

其三

燕見頻開徑龍門幾御車送迎優禮數問對雜樵
漁夜色傳清柝春官醉敞居天開潁水上爲炤紫
泥書

其四

若渴情應切如醇味自投驅車千里暮揮塵萬山
秋醉愛臨風坐驪成秉燭遊談天當夜事回首笑
三鄒

七言律

送許相公歸田四首

黃扉紫綬戀新恩白石清江問故林虛席自知明
主意懸車誰識老臣心五湖煙月鴟夷返綠野池
亭裴相臨莫怪西風叢菊淚滿前桃李總陰陰

其二

驅馬春明落炤餘十年帷幄亦勤渠鏡中白髮知
憂國江上青山苦問居曉日共期鳴彩鳳秋風不
爲憶鱸魚調元手著潛夫論已把成功付太虛

其三

欣聞元首咏康哉底事文昌逐斗迴恩重燕雲生
劔舄江空吳月滿樓臺賜金都散填門客加料猶
憐濟世才天下安危關出處已虛上相待重來

其四

太白星前識去旌麒麟高閣自鴻名輿車得載辭
金殿朝請常通軫睿情五夜天顏依夢遠六朝山
色逼人明晚年更號泉爲穎豈欲巢由少保城隍

黃金臺懷古

燕王臺上雨初晴滄海微茫悵獨撐千里雄風生
駿骨百年王氣枕龍城黃金夜色星辰動碣石春
烟草樹平最是臯夔羅聖代由來樂郭亦虛名不

早登望岱

曙色初迴日觀峰關門猶未動晨鐘松濤十里來

秦樹雲蓋孤飛是漢封誰向翠微看繫馬我從天
矯見蟠龍無端長路縈征客虛負名山一度逢

渡黃河

中流無浪午風徐薄雪輕花俯檻餘隔渚戎戎迷
岸馬有時歷歷上河魚浩波九折開周宅故道千
年復禹墟盛世誰當蒼水使歸來擬奏史遷書

陳留詠古

城郭蕭條帶夕曛議郎風雅似猶聞孤貞舊識羔
羊節三體遙傳蝌蚪文絕代才名凌白日噓炎幽

意薄高雲憑誰判斷千秋事長夜金商路不分

尉氏懷古

晉代風流阮步兵人傳麩蘖是生平自緣疎放還
真趣轉向醅醕見獨醒荆棘銅駝隨雨暗竹林野
鶴向人鳴謾將當日窮塗哭認作猖狂醉裏聲

過東阿爲于穀峯老師祝壽四首

岱宗采翠倚天開倒景參差炤酒杯雲隔北扉看
五色星當南極見三台松篁自逐丹崖秀桃李元
從上苑栽聞道商家求舊德未應泉石老伊萊

其二

歸來清興復如何環堵蕭然帶薜蘿黃石閒雲晴
澹蕩金華宮樹雨婆娑九天夜降麒麟種二月時
聽鴻鵠歌四牡謾勞催去路啣衣正不厭蹉跎

其三

碧山迢遞接丹丘夏木陰陰路轉幽興到欲酬千
日酒雲開恍見五城樓門牆側望逢青眼閭闔重
看是黑頭眷注當年何限意加餐勉爲答宸旒

其四

金莖玉露漢宮春雲臥天書帝寵新滄海月明鷗
盡下瑤塔客到鶴雙馴丹心戀闕常千里綠鬢懸
車祇四句不是風塵能信宿登堂更比及門親

題趙相國靈洞山房

古洞棲霞

洞門誰鑿玉嵯峽遠洞烟霞鎖寂寥向夕故明丹
竈火隔林遙見赤城標天邊孤鷲秋相送江上詩
情晚更饒舊德由來餐不盡都城五色護清朝

梵刹鐘聲

寺隱高峰片月斜疎鍾不礙翠微賒傳來澗水欺
飛瀑散入松風驚定鴉清夢乍疑長樂曉白蓮知
近遠公家故山精舍元爲主題詠無勞護碧紗

山亭樵語

亭結崔嵬樵逕旁樵來問答總相忘穿雲日許尋
瑤草叩榻時容憇夕陽一局未殘柯已爛千羊欲
起石猶僵初平兄弟休全踏欲采葛荒獻 聖皇

溪橋煙柳

楊柳和煙綠未齊行人初踏杏花泥千條萬縷垂

垂合弱靄輕陰處處迷
冰泮遊魚渾欲躍
樹深黃鳥但聞啼
畫橋似爲憐春色
時度東風到水西

遊法海寺二首

雲盡寒山石竇開
西風古寺一徘徊
樹當十月猶青色
碑載前朝總綠苔
護法似聞天犬吠
山名聽天狗
經曾有夜龍來
須知勝地宜盃酒
未許斜陽促客回

其二

幽巖欲盡見浮圖
峭級穿雲百尺孤
四面山風團

翠靄千年花雨暗
平蕪人尋鳥道迷
南北篆籀雜蝸文
半有無欲問慈航
何處是斜陽古木
一啼鳥

黃石宮二首

黃石遺踪海畔留
一宮深鎖亂山秋
松風時送波濤出
泉竅疑通河漢流
泉名天液
濟北天空烟漠漠
圮橋雲斷水悠悠
慙慙獨向高峯覓
應有藏書在上頭

其二

石徑蕭條栗葉黃
我來懷古倍心傷
世人猶自傳

雲鳥海上于今正虎狼白日蒼茫迷細柳丹梯彷彿見扶桑登臨轉覺添愁思醉把寒花嗅野香時有朝鮮之後

白雲庵二首

崎嶇千澗野雲賒乘興遙遙訪道家門外清泉滋碧草甌中白石變丹砂平臺客上凌寒露斜日人歸帶落霞最喜諸真頻見戀洞天幾度飯胡麻

其二

翠栢丹楓相映新清波白石故粼粼羽人總解談

黃老塵世誰知是漢秦樵語每從天外落仙丹自許鼎中真流連歲杪渾忘返氣候時時似暮春

曹南仙桐曹南寺故有二桐大各數圍其一

忽枯死寺僧因而伐之獨其根存焉六年

矣一日有藍縷道人醉臥其上夜半歌曰

我來枯樹活我去人不識云云比明失道

人所在越六日有芽發枯根間大如其根

又半月大如其一之存者二桐宛然如故

莫訝神仙頃刻花請從櫺櫺看靈芽棲鸞幹就春

應妬騎鶴人歸月未斜翠葉至今餘紫氣紅塵無
路覓丹砂何時問訣曹南寺藉取清陰老歲華

題王念野雲耕山房

年來霖雨徧中州底事閒雲尚隴頭三徑倒懸桑
柘影一廬深鎖薜蘿秋澹煙故自環龍窟佳氣遙
應接鳳樓却憶嵩高回首處金門青瑣金悠悠

其二

結屋高從霄漢間綠疇時共白雲閒鷓鴣幾見生
新色猿鶴依然滿舊山簾榻繁花春窈窕護田流

水夜潺湲我來欲問讀書處石磴青苔未可攀

王明吾使遼過里詩以訊之

聞道槎回遼海頭匡牀懷思日悠悠故園英蕩涵
佳氣絕域皇華試壯遊宣詔幾人扶杖聽磨崖到
處乞詩留經行豈有安邊策女直將無意外憂

孟夏陪祀太廟恭述二首時上人在靜攝

天仗一出羣情忾舞

闕宮禘禘警清鑿簪紱叨陪侍從班九奏自天傳
鳳吹重華此日識龍顏朱櫻細帶宮雲出碧草紛

承御輦還宗祐萬年靈祝在敢期聖壽比南山
其二

慈闈會扈祝彤宮清廟還瞻法駕同孝德千秋光
俎豆歡呼一日滿臣工明禋自合神人悅臨御須
知朝講通從此萬靈綿萬曆願歌天保罄丹衷

李母慈節

庭前春雨秀瓊枝却憶蕭蕭徙舍時五夜淚從機
杼盡半生心許栢舟知鸞書日月明貞潔象服山
河羨委蛇翻笑下宮雙義士當時猶自屬須麋

送曾石甫

朝陳封事暮歸田菽水君恩亦自駢共羨龍鱗嬰
赫怒何須豸服炤春筵孤忠移孝庭闈喜令子直
臣制詔賢卽此便勝三釜養從來曾氏大名傳

春日送李百原侍御閱關

可信煙消淥水干雄關遙控簡霜寒蒼精都變貌
貅色鐵騎爭迎獬豸冠風靜玉門猶鎖鑰時清天
步轉艱難只今柱下饒封事不比邊庭羽檄看

送王念夔按楚

青藜舍集 卷之一 二十六 三百零一

楚雲如蓋擁旌旄萬里遙澄漲海濤霜簡有時生
夜色牙籌無奈到秋毫漸看鷺羽清風遠幾觸龍
鱗絳闕高采俗未應嫌楚怨民謠處處似離騷

送包大瀛還貴州時省疏公爲首云

豈向飄蓬嘆一官丹心白日炤長安公車有牘操
牛耳方士無成覓馬肝青瑣人歸宮樹老炎荒書
寄隴梅酸離筵半屬金門舊時事誰從珥筆看

文安姜蒲翁中丞余弟叔音座師也中丞撫
楚值余弟令襄乃茲相繼二年俱作異物

矣中丞訃來余南向望哭之乃余之泫然
則又不獨爲中丞也

逍遙劔履杳難馮咫尺門牆俱哭聲遺草徵求歸
太史諫章傳誦滿燕城千秋勁節烏臺色一日深
恩鴈序情最恨年來峴山上雙看墮淚石崢嶸
苦旱

底事肥蠶苦見侵漫勞露禱集桑林遙遙莫挽天
河水處處空聞雲漢吟陌上游氛渾欲火人間滴
雨貴于金憑誰借得函牛鼎烹却弘羊答帝心

朝之前一日宿孫却浮給諫宅作

清淡誰如侍從家
牆陰春雪積瑤華
一封未上憂時疏
七碗纔餘供客茶
簾護餘寒春尚淺
鐙銷殘局月初斜
條風無柰三珠樹
香滿閑庭懶看花

送齋捧御書山東者

聖人自擬周三禮
詞客親將漢十行
東國山河皆近甸
中天日月正重光
炬花夜就金鑿草
行李朝銜御墨香
宣罷詔書還問俗
從來齊魯富文章

送李霖寰遼東開府二首

油幢六月欲飛霜
赤鉞干雲白日黃
胡火尚猶明大漠
秦城元自過遼陽
談邊遙憶新封事
較武親臨古戰場
相送慇懃歌吉甫
好將文武佐宣王

其二

度遼元禮出延秋
璀璨金章炤鳳樓
石室半藏司馬法
宮衣先拜紫貂裘
遙天壁壘寒生色
絕漠雲烟澹不流
却羨筆花連劍氣
磨崖應徧首山頭

送喬裕吾給諫二首

朝陽鳴徹五雲橫
折翮翻飛下紫清
疏草通宵干

青藜舍集 卷之一 二十九
御氣梅花是處遶王程黃河日落風波惡青瑣門
閒夜月明戀闕知君無限意遙天回首可勝情

其二

未論宣室更溫綸便是淮陽亦主恩已向玉階羞
仗馬忍從滄海嘆窮鱗寒烟積草迷丹地深夜明
珠炤紫宸却恨夕陽山下路瞻烏無定雪飛頻

題鄭公招隱園

君家谷口舊風流招隱當年託倦遊暗水自纏花
徑曲閒雲深護竹窓幽詩成倡和聞黃鳥機盡倘

祥對白鷗幾欲相從便歸去一瓢同醉海天秋

送邢水部迎養之南都二首

冠蓋都門爛曉霞司空六傳出京華共看綵服霑
天寵遙指金陵是帝家淮口晴烟迷古渡鍾山寒
色到官衙閒中得句堪相憶不盡歸鴻易水涯

其二

笑咏南垓向石頭行旌雙拂帝京秋千林黃葉隨
人遠六代青山入望悠官冷歲時頻臥閣興來江
海獨登樓須知漢主憐詞賦渴客無勞嘆倦遊

五言排律

雨渡膠萊河宿河東壞館夜坐卽事

倦客厭遠涉暑雨何多情嶺外片雲黑河上孤舟
橫狂霖連暗浪暝色迷前旌那見天水際但聞風
濤聲官舍臨路隅撐柱空檐楹板輿欹側入堦水
參差平羣飛尚石鷺並坐愁黃鸞鄉隣盡白眼吏
胥如散星呼童貰綠醕就炊熟青精野店有桂玉
春盤無水晶燈前四壁寂雨後雙樹清水氣從西
來銀漢欲東傾良夜不能寐坐對寒風生

是夜五鼓復雨達旦不止獨坐卽事

旅程不可計明發氣候殊金蛇爍窓牖鐵騎排空
虛石枕清有聲匡牀忽若濡起視何晦冥獨坐良
踟躕西牆掛河流木杪浮菹茹穀洛鬪咫尺神靈
意何如商羊鳴前庭車馬灑長衢驚見竈有蛙遑
嗟食無魚芹心憐田野苴粥嗟蕪萋慙慙更壺觴
擎跪稱鄉墟瀟瀟對阿誰渺渺翻愁予殘杯雜屋
溜敗甕當泥塗行吟皇華章未敢言馳驅

七言排律

皇極門早朝

長樂疎鍾曙色分禁城佳氣鬱氤氲雙魚曉向銅
龍啓五鳳晴連赤羽曠露重宮花千樹潤風清仙
樂九霄聞鳴珂白映螭頭月寶扇光搖雉尾雲煙
傍袞衣常縹緲草承委佩欲繽紛蓬萊半落星河
影闐闐歡均燕雀羣就日聖顏看咫尺臨軒天語
聽慇懃呼嵩自罄南山意拱極還瞻北斗文幾處
謳吟爭擊壤一時歌賦盡橫汾侍臣朝罷渾無事
虎觀芸香散夕曛

七言絕句

詠史四首

商翼聯翩下漢關一時決策動龍顏誰憐翠羽金
丸忌千古令人歎轉圜

其二

汾水幽懷感壯圖秋雲千里黯江都不知半夜輪
臺詔還憶當年三策無

其三

璽書捧處主恩深郡國爭傳有賜金爲問治平誰

青藜館集 卷之一 三十二
第一河南名字已銷沉

其四

刀斗無聲朔帳移
閭山春草自離離
于今塞下聞飛將
李廣元來數不奇

塞下曲四首

燕支葉落鴈南飛
薄采秋山向夕歸
何處葡萄醅夜月
一天霜露冷戎衣

其二

龍沙枯骨委蒿蓬
虜騎長驅太白東
暮角西風悲

自語將軍新策是和戎

其三

城郭蕭蕭歎此離
隔河猶自見旌旗
天朝近有平胡頌
正是單于奏凱時

其四

劍花十載拂征塵
贏得胡兒作比隣
從此未應愁野戍
大軍不復度西秦

嘆白二首

莫向人間悲墨絲
須知自有素絲時
丹陽洞裏瞞

如縷誰倩天工作染師

其二

似帶西方白虎威令人一見壯心微
分明我物難爲主昨日青青今已非

制草

南京吏部尚書趙煥

制曰表帥師僚粵重典銓之秩光昭鼎地允需率
屬之良崇階並列于兩都茂績丕宣于三載肆頒
寵命用示殊恩爾南京吏部尚書趙煥坦夷博大

直亮端凝揚庭宰邑以來起署惠文交譽爰以京
兆棘垣之亞叅彼蘭臺石室之班旣佐冬卿尋襄
天部時羣品式叙已聞嚴正之名乃特疏乞旋獨
切庭闈之念一徵掌憲司喉舌于西曹再起持衡
領縉紳于南國而爾寬平法罔體欽欽惟卹之心
藻鑑人倫副赫赫具瞻之望泰山喬嶽作鎮舊京
啓事題才光猷昔日風采肅羣工之範老成協衆
論之歸歲績來聞恩綸載播是用授爾階資政大
夫錫之誥命於戲金陵根本之所存譬如堂奧太

青苑齋集 卷之一 三四
宰寅恭之自出所謂權輿爾尚潛挽官邪倡公忠
于九牧深思祖服圖鞏固于萬年旂常之建豎益
隆袞宸之謨謀終賴欽哉

制曰朕表績大臣加恩元配膚功有自追惟桃灼
之宜淑問尚存詎泯蘭萎之馥懿勞維舊洵錫方
新爾某妻累贈淑人錢氏性秉幽貞心專敬戒滌
澹恪白華之養組紉佐黃卷之勤持澹泊以從官
冰蘖之清聲有力臨華腴而委珮糟糠之往勸難
忘旌敬助下鵠巢炳徽音于鸞綉是用加贈爾爲

夫人默歆宸睨六珈生色芳原顯著閨彝四德垂
輝贊策

制曰國重銓綜之選清班特綴於星辰家資蘋藻
之賢媿化式彰于風火一德獎相成之義十行隆
並貴之恩爾某繼妻累封淑人方氏稟呈姑訓麗
美國禎琴瑟在陳適贊和平之政締綌無斁與光
黼黻之猷睠無偏無黨之規刑于寮案知周南召
南之烈茂在閨闈恒一夙昭巽申寧斬是用加封
爾爲夫人穹階疏爵已躋內秩之華末路遵箴彌

青藜集 卷之一 三
弼上公之業

祖父母

制曰蓋聞德厚者流光功隆者賞茂肆累仁積善
迺昌丕緒于後昆而偉伐鴻勛必沐醲恩於奕世
爾義官贈通議大夫吏部左侍郎趙惠乃其之祖
父醇明邁俗信義孚鄉麥舟不吝於窮人蓬戶多
來乎長者身藩族屬譬彼風雨之旻幪福裕孫枝
作我衣冠之領袖惟慶餘之澤下逮斯義率之典
上行是用加贈爾爲資政大夫南京吏部尚書垂

紳正笏旌繩武于宰卿木本水源闡貽謀于烈祖
制曰濬發祥源明德率由先代助開慶祚同心允
藉重闡其昌應兆于和鳴介福生光于丞畀爾贈
淑人吳氏乃其之祖母慈仁篤念雍肅閑家戶外
之履常盈主饋竟賢豪之志海上之門將大舍節
襄啓佑之謀如鑑如衡美聞孫之亮節以仍以續
揚王母之遺芬爰錫紫泥式光玄壤是用加贈爾
爲夫人鳳章五色降典雲霄麟塚重暉慰思霜露

父母

制曰朕惟黃耆宿儒宜望耆淵而憲老青箱世業
况聞鴻碩以教忠嘉宜勤均軸之名卿舉崇報箕
裘之鉅典爾教授封通議大夫吏部左侍郎趙某
乃某之父清和風世齒德萃躬旃北三魚夙樹標
于士類子稱雙鳳竝爲瑞于朝端而爾養重掩扉
竿牘不聞當道吟詩結社耆英共樂衡門適冢臣
奏最之年正胡考介眉之日當代之典刑共仰九
重之綸綍爰頒是用加封爾爲資政大夫南京吏
部尚書於戲朕近憫二子之陳情俞留一人以終

養從王將父伯與仲實互盡其倫令子直臣朕與
爾可更相爲賀尚其彌高彌邵秩抑戒于賓筵壽
國壽民流緒餘於家慶聿賁便蕃之寵丕昭作述
之光

制曰於戲燕喜興歌具慶之懽未鬯鹿門媿德亢
宗之哲無聞都予宰臣際天倫而最盛優茲壽母
胥偕老以駢榮爾累贈淑人孫氏乃某之母敦崇
節儉明習箴圖闡政雍雍千指咸翕合於井理嗣
賢袞袞三遷猶未奉其慈規惠周舉火之家信好

青溪集 卷之一 三十一
施之同志績奏望雲之子宜峻爵之均霑匪慰門
閭式彰聖善是用加封爾爲夫人四命赫臻觀護
草金花之僉燦百齡未艾樂綵衣春酒以長康

日講官吏部侍郎兼翰林院侍讀學士馮琦
制曰朕務崇儒重道而難知人安民肆簡西清帷
幄之良俾貳南省銓衡之事最績丕著寵命隆頒
爾某量茹萬流學綜百氏揚庭甚蚤事朕有年粵
白玉署操觚金華進講代言視草倣皇墳帝典之
遺廣履細旃軌誠意正心之旨旣而佐典三禮屬

爾有懷二人予假予封朕特體情于將父以忠移
孝爾尋祇命于持銓廼能呈經術經世之端倪運
至明至公之作用搜揚俊乂期于用當其才申飭
科條不欲人壅于法羅才藉審官之餘力啓事悉
華國之至文處殷繁克任焦勞臨名位獨存退讓
方將侈緋衣于慶曆用彰侍從之勤豈其後金鏡
于貞觀靡表精明之鑒是仍授爾階通議大夫錫
之勅命於戲統百官均四海可徵純備之材保子
孫利黎民終藉休容之德今爾庶常受命尚猶以

青苑齋集 卷之一 三十八
人事君而講幄橫經方望稽古正學其矢宥密緝
熙之意謹陶成培植之規道務格心古訓益光于
說命風追造士思皇上媿乎周楨時惟爾位之靖
恭乃副朕心之簡在欽哉

制曰佐王治邦國資衡鑑于儒臣之子宜室家裨
德行于君子瞻納誨與題才兼舉知正內與正外
交修視爵朱紘揚芬彤管爾其妻累封淑人姜氏
邦媛閨秀吳順恒貞作合名卿克宣令德仁弘逮
下茂臻麟趾之祥饋主在中潛翼鸞坡之業彼庖

人輟講平允之偉績輒聞則纏笄旦朝夙夜之官
箴與助是仍封爾爲淑人締綌無數式光黼黻之
猷琴瑟在陳益弼鼎鍾之烈

祖父母

制曰天人一理以相通善慶百年而始定故忠遑
卹後天若爲之貽謀孝欲光前國則爲之崇報渥
溥銓卿之貺上揚烈祖之輝爾原任行人司行人
贈承德郎兵部車駕清吏司主事馮某乃某之祖
父夙負異資雅多大節業承弓冶蔚有鳳毛響叶

青藜館集 卷之一 三十九
頃麓爛然燕桂維昔皇華南使灾沴中逢人皆有
旋軫之思爾獨執委身之義憂但殷于靡鹽盡瘁
鞠躬沒無羨于首丘奉尸將事轡軒不返殊方閔
忠義之魂彼蒼有知一綫肇隆昌之祚帝祉允施
于孫子爾階並躋于公卿是用贈爾爲通議大夫
吏部右侍郎兼翰林院侍讀學士稱大誼而畢命
名勒春秋從崇秩以疏榮典光泉壤

制曰源深則流澤遠人必本乎祖先死易而立孤
難事豈期于筭黛嘉乃冰霜之節奕世馨香分茲

日月之輝重闈炤耀爾封太安人蔣氏廼其之祖
毋名門淑槩列傳芳規蚤歲不天貞心如日痛遐
陬之枯骨力任綱常撫藩伯于嬰兒備嘗艱苦勁
節永垂于汗竹清陰遠茂乎庭槐烝畀馳恩銓綜
錫羨是用贈爾爲淑人表儒課吏昭三代之餘庥
茹苦含飴極一時之隆報

父母

制曰藩屏舊臣遺澤光於郡國論思碩彥丕績著于
均衡盛因美以益傳作與述而並命爾原任河南

青藜舍集 卷之一
布政司右叅政封通議大夫禮部右侍郎兼翰林院侍讀學士馮某廼某之父承家大孝有用真才盤錯見竒安閒應卒筮官盜藪衢路爲之清夷較射胡雛掌股惟其操縱召商發賑厝饑餒于生全定譟鎮訛靖干戈于談笑宦途何蹇然多可紀之功柄用方殷莫挽言旋之念豈爾未爲事業將遺哲嗣以善成維時邁格褒封亦憫親臣而特賜咨此銓筦羣僚之績當爾恪陟上帝之時爰霑宸章用酬庭訓是仍贈爾爲通議大夫

云

云

題漢卿于

墓道堂構生榮曝舜日于泉臺鼎鉉需臆

制曰女德惟於夫於子可徵門內之賢國章有至再至三貴逮躬承之日綸命游頒于楓陛恩波重潤乎護闈爾累封淑人宋氏廼某之母淑軼箴圖德光筦鑰河山肅度弼維屏維翰之猷嵩嶽降神篤啓心沃心之哲試經儒于銓省已奏成功舉孝德于比鄰可憇慈訓粵嘉燕喜覃渙鸞褒是用贈爾爲太淑人推恩衡鑑聿攄愛日之情集祉岡陵長享介眉之慶

太子太保吏部尚書李戴

制曰朕聞官無古今得人則理故崔毛典史廉節之風行璟義持銓關請之路絕苟操修風彩不忝前規卽赤韞葱衡有光寵命爾太子太保吏部尚書李其碩儒宿彥時傑國楨殫惠敬于花邑掖垣恪藩臬于關蜀齊晉股肱盡瘁功猶存馬頰之間喉舌納言望从重龍蟠之地載煩耆德入領冢卿而爾閣有聚書門無私謁聲色不大正笏以樹表儀形骸渾忘虛襟而容善類所謂提衡握鏡一任

空平雖則魚貫鴈行各分涇渭振疏淹滯每擬使過于使功商畧短長直况用人于用木允矣九流之刀尺卓哉百辟之儀刑茲以歲滿特授爾階光祿大夫錫之誥命於戲毀譽憎愛咸太虛之垢氛祇慎廉平斯人倫之綱紀矧人心不古疇能貌肖其衷而臣道克艱要在終如其始爾尚玩秦誓之甚口出益勵題才惕虞廷之戒面從無忘補牘務俾俊登而佞遠庶幾賢得而化成欽哉制曰臣專銓藻赫隆巖石之瞻婦廸閨彝丕協山

青素舍集 卷之一 四三
河之舉曇霄疏典伉儷均恩爾某妻累封夫人楊氏列傳齊芳上卿偕老樂機夙警躋華耀于星辰孟布猶甘振化原于風火嘉功衡鑑蓋蒐羅盡杞梓之材揆訓衿肇信翼贊茂蘋蘩之職徽音蔚樹景命渙頒是用加封爾爲一品夫人內階無上祇服知榮美業難終勉襄母替

曾祖父母

制曰鏡流品平衡石天卿特領縉紳植本固發源深餘慶廼流胤祚循百年之積德渥四世之追崇

爾李珩乃某之曾祖父恬固淳風敦修姱節類唐民之鑿井躬耕畝畝之中等漢士之入貲自致衣冠之列青年竒厄嗟蹶步于髡髦末裔熾昌喜開祥于耆碩觀銓衡之克慎知基址之繇來是用贈爾爲光祿大夫太子太保吏部尚書予善無今昔丕昭天道之公報德遡淵源聿顯朝章之厚

制曰於戲堯哀婦人况苦貞之可瘳周優太宰宜馳典之特隆冰霜已表于當年雨露仍霑于今日爾姚氏廼某之曾祖母蘭蕙芳規松筠雅操畢一

青藜舍集 卷之一 四三
生而守誰知匪石之心將五世而昌正叶于飛之
兆迹其精誠之極直上通于神明惟此功烈之昭
亦下光于泉壤表閭未已告墓方新是用贈爾爲
一品夫人聲稱徽爍蓬窻之節斯彰俎豆苾芬曾
孫之報未艾

祖父母

制曰國家尊禮元僚追崇再世匪獨穹階錫羨光
顯無窮亦以先代累仁濬發有自爾累贈資政大
夫南京戶部尚書李滂乃某之祖父葆真高蹈潔

已清脩璧水蜚英未竟風雲之志鄉閭悉化爭高
月旦之名是篤孫枝作予國幹鴻烈方歸于懸鑑
龍章爰逮于貽謀茲用加贈爾爲光祿大夫太子
太保吏部尚書碩人幽懿炳芝檢以生輝上宰殊
榮賁楸原而永耀

制曰盛世官人資台斗提衡之哲元夫裕後賴閨
門媿德之賢故膚功懋建于鉅卿斯介福游臻于
王母爾累贈夫人周氏乃某之祖母雅聞淑令穆
無非儀投畚以佐清風含飴而開遠緒自匪凝和

青齋合集 卷之一 四十四
儲社克襄奕世之謀誰使辨官論材當此一時之
俊彤管之徽音从播赤墀之慶澤重申是用加贈
爾爲一品夫人榮從六列擅內秩之高華寵錫五
雲憫遐思于似續

父母

制曰語有之世所難得惟用人之人道所甚貴在
不用之用故士韜巖穴廼以教忠國獎勲勞必先
及父斯誠通義豈曰私恩爾累贈資政云李啓
東乃某之父聖世隱淪先民矩矱讀書談道匪役

役于世資闢塾延師獨殷殷于庭訓撫知人官人
之績嘉乃義方敷如綸如綍之榮首茲禰廟彝章
具在德意攸行是用加贈爾爲光祿大夫太子太
保吏部尚書一經澤遠下巽命于丹霄八座名高
照夜臺以白日

制曰昔山濤自內奪情愍章弗覩康伯因母得士
贊册無聞臣靳殊恩國則闕典肆首辟克隆閔閔
卽寵褒覃被庭闈爾累贈夫人高氏乃太子太保
某之母行遵圖史範肅珩璜湘藻薦虔折藁克愛

青藜舍集 卷之一 四十五
以若秉公持正益平允之譽攸歸揆厥木本水源
繫聖善之功是賴可無華綵增耀玄扃是用加贈
爾爲一品夫人賞與功崇生百載松楸之色毋以
子貴憫終身栝捲之思

南京吏部右侍郎李廷機

制曰兩都並重式先根本之區六副聯班莫要均
衡之秩嘉品藻銓綜之績出文學侍從之臣特渙
綸褒用昭眷注爾南京吏部右侍郎李廷機經德
不回至誠能動底節于澹泊寧靜世卜遠猷置身

于規矩準繩衆歸大器文能華國夙冠冕乎人倫
志在康時雅勤渠于職業作新壁水得人寧獨兩
闡日侍講筵作聖有功元子迺從詹省擢貳留銓
而爾叅稽典章薄攄韞籍主持大計朝聞平允之
名申飭前規吏絕夤緣之竇智行無事信遊刃而
有餘學本通方每隨試而輒效卽司農司空之攝
多鼎新革故之勞益驗兼才宜頒異數是用授爾
階通議大夫錫之誥命於戲官如傳舍疇爲經从
圖之世變江河漸失淳龐之意爾焦勞匪懈已契無

青藜館集 卷之一 四六
逸于朕心質直不浮足返未流于大雅尚益預謨
調燮庸需簡命鉉台欽哉
制曰持衡湯沐資芥藻之碩儒弼德闡闡藉蘋蘩
之淑配特渥玉堂之寵茂宣彤管之徽爾其妻封
孺人林氏巽順坤貞有齊無遂未明效警翼比扉
橐筆之勤幾望擬隆禪南國知人之哲經術經世
斯露一斑宜室宜家爰旌四德絲綸借命伉儷均
榮是用封爾爲淑人從夫疏爵躋秩魚軒逮下推
恩臻祥麟趾

祖父母

制曰大臣之生不偶謀恒肇于穀詒酬功之貺宜
優典得從夫義率昭積德累仁之宿範錫提衡懸
鑑之餘麻爾其乃其之祖父鏹耀藏修含真高蹈
閭閻作伍恬熙自囿于王民樸茂禔躬機械盡忘
于人道遺再傳之哲胤領我縉紳溯先世之淵源
嘉爾啓佑特與報本而反始彌徵積厚而流光是
用贈爾爲通議大夫南京吏部右侍郎槐庭蔭遠
闡明德于百年楓陛恩深鬯幽光于五鼎

制曰世稱祖德鮮不推本于閨門禮重前徽惟其
有功于家世儲和集慶越奕葉以生華由後逮先
爲孫枝而崇報爾楊氏乃南京吏部右侍郎某之
前祖母柔貞令度勤儉素風相履坦之幽人鹿門
媿美啓持銓之祚胤鳳卜徵祥食貧遇嗇于當年
告墓典隆于今日恩綸首被寵秩優頒是用贈爾
爲淑人贊締造之勞德音未泯普追崇之惠天貺
方來

制曰自昔繩武之賢必厚含飴之報矧功成亞宰

比冰鑑之無私卽命錫重闈詎幽明之有異爾某
氏乃某之祖母靜專稟性肅穆閑家賢以配賢佐
清風于帝隱子又有子衍丕緒于天卿功業文章
侈獎金閨之儁過祖邁妣駢霑紫綉之榮覃內秩
以追崇樹遠思于蒸甍是用贈爾爲淑人天章有
爛式揚王母之芬馳典方殷益篤聞孫之祐

父母

制曰身爲逸士子爲大臣立言立功良本教忠之
力肯堂肯構宜旌式穀之勛爰有上逮之榮名彰

我先朝之逸德爾贈文林郎翰林院編修李宗禹
廼南京吏部右侍郎廷機之父曾史貞標泌衡姱
節書能涉獵多聞見重于儒林行謹細微實際總
歸于人事睠茲功成衡鑑追題才啓事之風正惟
養慎顛蒙預口授耳提之誨詎泯大椿之芘俾升
首棘之階是用媚爾爲通議大夫南京吏部右侍
郎衮宸需賢方綸扉之虛席松楸向日燁泉室其
生輝

制曰偉烈矣于詞臣昭華實之竝茂嚴君稱乎母

氏知勞愛之相成渙典九重酬恩三徙爾贈孺人
陳氏乃南京吏部右侍郎李某之母名門懿質列
傳芳規修瀆躬勤夙佐白華之養機絲示訓竟成
玉署之賢孝德已拔于比隣甘旨嗟違于臚仕匪
資芝檢曷表護慈是用贈爾爲淑人紫誥自天丕
煥笄珈之寵黃麻有日永垂聖善之光

戶部總督倉場右侍郎趙世卿

制曰八政經邦式先食貨六官分職爰重度支邇
以時事多艱出者寢繁入者寢寡所恃老成長慮

日計不足歲計有餘言嘉籌策之勞特渙旌褒之
命爾某卓襟坦度練識竝猷司理衡城詰戎留署
偶因抗疏誤致投閒清議共推儀曹再徙勳掖奉
常之別歷名近達于楓宸納言京兆之踐更資遂
彰于棘寺出撫而望隆司馬入貳而功著祝鳩謂
積貯乃大命攸關肆操柄于重臣是卑而爾察天
地收藏之義盈以濟虛識泉源流行之情通而不
滯機宜燭照穴竇風清雖以東討西征幾盡錙銖
之索而能調停均節各隨庚癸之呼歲滿政聞朕

嘉乃績是用授爾階通議大夫錫之誥命於戲二
祖八宗之積留之今日者幾餘三年九年之通圖
之來茲者何道膚功上逮維爾嚮用方新石畫旁
求乃朕諮詢惟舊尚攄訂于已試仰翼廟謨庸棟
誦于弗支允禪國計欽哉

制曰國有餘儲倚焦勞于碩彥臣無內顧資贊助
于好逑瞻錢穀以旌庸遡閨闈而疏爵爾某妻封
安人孟氏德媿名賢行符昔懿脫簪珥而佐養恪
承菽水之歡躬筦鑰以襄勤克就雲霄之志箴規

若友徽音夙播于絲綸恭敬如賓令德中聞于耕
饁溥南樛之惠宜爾家而麟趾駢祥鑒北門之憂
歷官邸而羔羊翼節夫方大用巍聯八座之班爾
忽長捐尚衍半通之秩會計之成功茲著黽勉之
積勩寧总是用贈爾爲淑人殊榮渥錫于司勳特
典用風乎主饋

父母

制曰朕聞藏富於國惟藏富于民者識恒足之機
子之效忠惟父之教忠者啓奉公之義况昔以小

臣勵節明著家傳匪今從峻爵疏榮胡光庭訓爾
某乃某之父幹局魁梧性資孝友奮身白屋鸞飛
聊試于榆枋勗子青編燕翼茂敷于蘭桂迹其擁
腐紅而一塵不染當官冷祿薄之時陷奸宄而九
死不移開舍舊從新之路卓然正大光明之志允
矣箕裘堂構之規是篤嗣賢爲予國俊覽茲經用
信本大道以生財追彼義方特渙隆恩而錫命是
用贈爾爲通議大夫總督倉場戶部右侍郎名躋
六列默荷洪庥志樹重垓洊膺景慶

制曰仁義之利甚大急君匪曰遺親天地之性一原是母乃生是子獎駿勲于厚蓄馳鴻典于微慈爾封太安人姚氏乃某之母肅穆相儀靜莊女憲處庫僚而盡瘁激昂成夫子之名臨最績以迓榮止足順幽人之志載以烏愛贊厥熊丸揚庭意鼓于裁機筮仕政成于蒙袂方其陳情乞養惟子深愛口之情已而聞命趣裝蓋爾有先忠之諭遂使出納均調之計丕裕國家然匪詩書式穀之功疇遺聖善是用贈爾爲淑人芳聲不泯垂彤管以馨

香懿號寵頒賁玄扃而焜燿

少保兼太子太保兵部尚書田樂

制曰朕聞有命易繫所以嘉武烈而樂成功懋賞書稱所以章最績而風庶位故人臣封疆之績著則朝廷錫予之恩隆恒典實然巽申非過爾少保兼太子太保兵部尚書田樂厚重山凝貞醇天篤才推經濟朝倚老成颺歷有年不易初終之節任使輒效雅多安攘之勞惟昔仗節籌邊時屬松夷犯順千里竊據業負嶠之形成悉衆內窺况啓疆

之志狡而爾憤彼倏欵倏犯無取小創之師慮且滋蔓滋難獨握永寧之筭于是集五路兩河之甲爲犁庭掃穴之謀罔聽僞和虜望風而鼠竄仍嚴大索人革面而角崩河湟之要害斯還莊靖之襟喉頓豁旃裘奪氣壁壘增雄論功殆比于驅除行賞宜先于發指是用授爾階光祿大夫柱國錫之誥命於戲大臣處邊鄙則鎖鑰壯威在朝堂則樽俎生色爾旣已掌建九法職異一隅尚其蓄養威靈銷弭瑕釁警戎狄于輦轂戰勝之懼時殷防搏噬

于擾馴外寧之憂勿懈副予一人股肱之託追古司馬嚴翼之風欽哉

制曰統六師而平邦國資虎賁之英猷秉六德以化閭闈藉鵲巢之懿範蓋臣無分念是成伊濯之功而思有兼榮俾沐攸同之福爾某妻累封一品夫人曹氏性含婉淑度肅端莊女則穆修官常陰贊惟其服鱗佩燧任筦鑰于中閨是克殫智運籌蕩氛褫于絕域元勳績爛淑德恩均是仍贈爾爲一品夫人功加夷夏式揚薇芑之芬道始唱隨益懋

蘋蘩之敬

父母

制曰國有蓋臣家則令子故戡亂式昭其幹蠱而勤王原本于教忠帷幄旌勛箕裘崇報爾累贈光祿大夫太子太傅兵部尚書田產乃樂之父閭閻敦素月旦推賢天與清標負蓬矢四方之志世敦厚道追麥丘三祝之風匹公侯以兔且允稱高士啓詩書于鯉訓蔚奮英人功已震乎龍沙報詎薄于燕翼是加贈爾爲光祿大夫柱國少保兼太子

太保兵部尚書功懋懋懋賞名載景鐘子爵爵親光生墓道

制曰臣克有鴻鉅之施在國國必有便蕃之貺及親矧慈德之倚門倚閭劬勞如在卽天澤之旣優旣渥霽霖方醲爾累贈一品夫人夏氏乃其之母終溫且惠用愛于勞惓切一經共此和熊之誨勤渠三徙成予司馬之良西域功聞特典溢彤弓旅矢北堂風杏新恩耀紫誥芝函俎豆增榮栢棖懌慕是仍贈爾爲一品夫人承恩禁闕彰聖善于剗絲

從爵孤卿分寵光于仗鉞

總督薊遼兵部尚書兼右副都御史邢玠

制曰蕩氛繼絕已綏異姓之王飲至論功特長帥
師之子國皆屬其耳目吾何愛于髮膚晉秩非私
揆功尚靳爾總督薊遼經畧禦倭太子太保兵部
尚書兼都察院右副都御史邢玠雙南偉鑄百鍊
真鋼才誠具孚文武爲憲躬不言瘁馳驅多戎馬
之郊事惟所投指顧奏勛勩之效邇者島夷弗靖
螫我屬藩閩畫未周滋其桀驁疇予典旅僉曰汝

諧是戒六師俾專九伐而爾左檄兵右籌餉朝剡
奏暮馳符浹襦雲從皆安制綦節之理校聯霧合
盡胥角牽犄之形鑿凶爲殊死戰之期獎率酬不
俱生之誓遂令蔚山金山之劍竦巢內之卵胥空
閑島玠島之燧燔舟中之指可榭覆滄海而注爍
炭舉炎火以焚飛蓬大殲瀚海之鯨鯢再奠箕封
之鐘簠粵惟孤績可後崇褒是用授爾階光祿大
夫錫之誥命於戲樂羊功上巳焚盈篋之書定遠
奏來復樹入關之請吾意未嘗不在鉅鹿下爾心

應亦懸于魏闕前外寧內憂戶牖之綢繆安出文
事武備鼎彝之勲業方新尚殫馮翼之心永集夷
庚之慶欽哉

制曰大臣奉公而憂國故無家明嫖姚之忠明主
推誠而卹私則還歸志出車之厚况師終有慶寵
方渥于元功而內顧無煩旌詎遺于淑配爾某妻
累封夫人王氏名載國綸邦稱賢媛敬恭有必穆
宣風火之徽笄覲惟時默協君臣之肅瞻君子義
不辭難冒霜露以專征實惟爾順克宜家躬滌滌

而代養執訊獲醜候適應乎倉庚緣爵疏恩秩宜
均于司馬是用加封爾爲一品夫人拜命丹庭儼
河山而肅度流芬彤管共鐘鼎以垂輝

曾祖父母

制曰武功成而告廟歡允洽于九靈慶典舉而推
恩臣與光乎四代論功則首遡慶于源肆卹追遠
之思用溥逮先之惠爾邢端乃玠之曾祖父冲樸
葆真耕鑿歌聖賑施自喜貯陰德于窈窕機械相
忘留有餘于造化乃從積慶肇啓達人以彼偉績

豐功亦既奉天誅于有赫豈惜窮階峻秩不以昭世德于無涯是用贈爾爲光祿大夫太子太保兵部尚書兼都察院右副都御史一杯土壤歲雖久以如新百世本支福方綿而未艾

制曰賢者之于世不偶生王人之於善無遺賞肆嘉元老之壯猷言錫魯闈之寵命醞釀培植實助濬乎慶源循邇闡宣聿追揚其德譽爾周氏乃邢某之曾祖母沼沚芳規組紉苦志贊功晨正賡豳風于南畝之間開緒夏卿震出日以東山之旅門

祚數傳而始大闈儀歷世以彌光惟勲典之上行宜榮章之先被是用贈爾爲一品夫人滄波載戢廓清見溥海之濱紫誥方敷焜燿及重泉之下

祖父母

制曰國有碩臣赫聲濯靈用宣于中外家多積善流光餘慶乃暨于子孫穀詒美潛德之光義率表宸恩之渥爾累贈資政大夫都察院右副都御史邢聰乃玠之祖父胸襟洞達意氣激昂蓋藏第已所無務剖分之爲快緩急惟人所有雖頂踵以靡

辭居卑而義甚高源浚而流乃邇一里戴幘幪之
德再傳得社稷之良是用加贈爾爲光祿大夫太
子太保兵部尚書丕赫王綸下九重其聯海於昭
贊冊炳三廟以輝煌

制日出車六月蕩平欣屬乎儒臣積德百年締造
兼資于女士矧撫弱之勞備至宜舍飴之報特隆
爾累贈夫人陳氏乃某之祖母持儀祇慎賦性幽
閑脫簪成夫子之賢豪卹緯支門祚之衰薄朝哭
穆伯暮哭文伯荼苦盡茹于人間俾爾熾昌俾爾

壽臧榆景卒徵乎天道維聞孫之績奏彌王母之
訓彰是用加贈爾爲一品夫人珮環猶逸流不泯
之芳聲節鉞維新迓無疆之鼎臆

父母

制曰于夷于襄三矢重睢鳩之績肯堂肯構一經
垂燕翼之謀式霈宸章用酬庭訓爾累贈資政大
夫都察院右副都御史邢某乃某之父格外別材
寰中竒士習鉛槧而講擊劔之術聞鼓鼙則懷裹
革之忠壯士折于中年呼過河而飲恨遺猷昌于

哲嗣從跨海以收功烈允假哉恩宜茂止是用加
贈爾爲光祿大夫太子太保兵部尚書兼都察院
右副都御史長風萬里殄越志于梯航湛露九天
光義方于綸綍

制曰臣子爲國立功適憫倚門之望朝廷旌庸疏
爵繁伸陟屺之懷匪崇報于裁機疇昭榮于仗鉞
爾累封太夫人鄭氏乃其之母節經傲歲才足持門
粵自姑老夫亾齡冲息弱力有俯仰不天之造于
一形影相弔之身方且垂涕三遷植耆碩于孤苦

以能徼恩累命易瘳瘁以榮華彰愛于勞轉否爲
泰是用加封爾爲一品夫人龍章鳳詔介寵貺以
自天玉露金莖怡殷情于愛日

太子太保刑部尚書蕭大亨

制曰降典折民式布好生之德明刑弼教爰資邁
種之臣肅邦禁于協中懋治功于克允恩綸載錫
淑問攸彰爾某德稟不回智行無事顯然人傑卓
爾國楨束髮登朝勲業半垂于邊地鞠躬盡節忠
勤彌勵于宦成會當北鄙之寧是借西曹之重而

爾敬承欽卹大小必以其情祇率直清高下莫容
其手予曰辟爾惟勿辟視盜環犯蹕之條無寬民
民自不寃多開網解懸之意惟三章匪飾怒之具
朕罔攸兼彼五罰無濫及之人爾與有力惠醲棘
木頒布其棠茲以歲滿特授爾階光祿大夫柱國
錫之誥命於戲咎繇作士師遂靖蠻夷之猾蕭何
銓律令亦高發楛之勳曩國興海邦之師實爾決
帷中之策載安外屬永固東藩大刑用夫田兵利
器徵於盤錯惟今匹夫匹婦能干天地之和而爾

多藝多材實係斗山之望尚竭股肱之力副予心
膺之懷欽哉

制曰飭憲以糾萬民特重爽鳩之職宜家而敦四
德言需燕婉之賢德適協于相成榮肆均于偕老
爾某妻累封夫人劉氏柔章淑性莊靜令儀有恪
以奉在公含美而襄夫子瞻星視夜不怠交警于
閨中執燭悽情潛挽生機于筆下彼操清而民志
畏則絺綌之素節允功乃寃洗而協氣流蓋琴瑟
之和風與鬯中率之勛有自從爵之典惟宜是用

言齋集 卷之一
加封爾爲一品夫人誠孚金矢緋衣分無上之華
度儼珩璜彤管耀永終之譽

曾祖父母

制曰五刑以象震耀法臣之職業獨隆三賜而榮
丘陵王者之恩輝愈顯故于國旣明罰以勅法情
切求生于爵宜由祖以逮曾禮先自始爾某乃某
之曾祖父位在布衣謙符天道焚券非以市義深
匿月旦之名積厚自爾流光遂肇昌明之祚試觀
讞無寃獄勤勞丕著于祥刑可知世有恇人醞釀

逃由於先代是贈爾爲光祿大夫柱國太子太保
刑部尚書潤松楸以雨露首被駢恩譬水水之本
原彌培茂祉

制曰平刑之報下及雲仍則貽之上者必遠作善
之祥外由明哲然資之內者實多故餘慶胥藉于
二人而恩典並霑于四世爾謝氏乃某之曾祖母
德涵欽順躬備孝慈持內政如栗榛思投核而種
德裕後人若絲繭訖歲引而世長惟慎惟清旌功
伐于鵲集之日如綸如綍褒淑懿于麟定之餘是

青苑合集 卷之一
贈爾爲一品夫人笄珈煥采內階已擅其崇高泉
壤生馨遐祐永延于苗裔

祖父母

制曰家國之理共貫祖孫之善一原是以朝廷之
用法惟仁子孫之率祖曰義溯貽謀而崇報優邁
種以推恩爾累贈資政大夫某乃某之祖父城府
不設然諾克敦秉志惟公質暗合乎大道理民自
奮善允蓋其一鄉急難若痼瘵之在躬卽莫助而
獨切樹德如根柢之入地雖不見而彌深繩武之

業允光馳爵之章游被是贈爾爲光祿大夫柱國
太子太保刑部尚書三辟叔興盡滌秋荼之苦十
行雲爛耿增夜宇之輝

制曰朕獎烈大僚敷榮上世爰及祖妣並被王章
誠念垂裕之同心均昭代追崇之典抑賁蒸畀以
異數憫慈孫嗣續之思爾累贈夫人高氏乃太子
太保刑部尚書某之祖母坤順恒貞有齊無遂佐
風樂泌百年存荆布之規開緒含飴三世食公卿
之報辟以止辟方司寇之歸功親以及親肆王母

言齋劄錄 卷之一 六十三
之介福是加贈爾爲一品夫人斯皇顯命偕烈祖
以同榮不泯徽音麗聞孫而永著

父母

制曰朕聞定國播不寃之頒東海濬祥文忠推溥
利之仁綿州啓緒故長厚益于一脉式淑邦刑而
華袞榮于片言用酬庭訓爾累贈某乃某之父比
德名民稱逸聖世煙霞怡志誠坦坦之幽人孝第
力田允慥慥之君子授一經以報國亦猶芹曝之
思讀萬卷而致君適屬箕裘之彥雖鴻冥之已邁

顧燕翼其如新敷典露蕭愜情風木是加贈爾爲

光祿

云

云

表偉勛于銅甌原本義方闡潛德以金

章輝煌墓道

制曰大臣若保弘仁護幄契慈祥之指盛世如天
錫貺芝函揚聖善之音隱心深入于鑄書淑教彌
徵于乃織雖違祿養詎後綸褒爾累贈夫人王氏
乃某之母勤儉兼修非儀俱泯夙襄真隱耕耘合
德于東臯克篤名卿喉舌馳聲于北斗無偏無黨
庶幾畫象之風聞禮聞詩亦有和熊之誨爰頒綵

絳于賁玄扃是加贈爾爲一品夫人國命懸于民
命回生霜雪之中毋階視厥子階作炤泉臺之下
太子太保工部尚書楊一魁

制曰朕惟邦事掌在冬卿熙載亮工喉舌之司是
倚庸勛懋賞絲綸之命攸隆美表成功典從進律
爾太子太保工部尚書楊一魁天質不雕風猷夙
著寬而有制養雅操于和平靜以含明醞訂謀于
冲默粵自星輜瑣闥揚國命而匡王違楚臬齊藩
肅憲威而宣德意尋秉旄而佐計游歷朔南肆茂

實與休聲益孳中外廼以方割爲雲權任今官已
而疇若應咨入領本部時蓋黃殷淮父方河伯之
效靈革故鼎新會皇居之再造而爾正身奉法綜
事訓工時誦舉羸朕詎心乎壯麗一勞永逸爾克
任其經營程督忘勞畢竭股肱之力搏節有道盡
裁供億之煩五材飭而百廢具興兩宮訖而三禮
允賴日月省試績用已多天地成平明德况遠會
當歲滿爰霈褒章是用授爾階光祿大夫錫之誥
命於戲垂作共工克媿九官之美禹平水土旋登

百揆之榮爾尚詳典制以建明範端耆碩總司屬而表率動慎儀刑過門無替其初心勵忠貞而益篤柱國庸膺乎後命鞏宗社以常寧欽哉

制曰哲人祚世計長久以垂規昭代旌庸遡本根而崇報故慶由積致是謂無功之功而典欲上行廼及王父之父爾某乃太子太保工部尚書某之曾祖父渾噩遺民丘園高蹈和光鏗耀適乎十畝之間抱朴完淳奮乎百年之上術修混沌天與爲徒志類北山孫又有子覽敷土濬川之烈想耕田

鑿井之風是用贈爾爲光祿大夫太子太保工部尚書疏上榮于棘位寵錫雲霄溥渥澤於蒿原恩霑雨露

制曰百工皆聖所作嘉玄武以推恩百行惟孝爲原體白華而錫類式穀深惟庭訓勸忠游渙王言爾原任新安縣知縣贈工部尚書兼都察院右副都御史某乃太子太保工部尚書某之父秉德溫良存心愷悌職司民社瘁邑事以隕躬理固乘除鬱善祥而有子掌邦土而時地利功茂方鳩垂弓

治以啓箕裘褒褒先燕翼寔維天道豈靳國綸是加
贈爾爲光祿大夫太子太保工部尚書泉壤敷文
誕殊恩于表墓縹緗紹業彰偉構於肯堂

制曰乾和坤理司空竝重於六官父訓毋儀天性
胥隆于一本獎春暉於護室頒寶翰於芝函爾累
贈夫人景氏乃太子太保工部尚書某之母妣穆
宜家肅雝範闡警深鳴珮百里揚良令之聲教切
和丸三徙倪上卿之業音容雖邈聖善滋聞予工
克若干其凝宛劬勞之可覩手澤方殷於永慕寧

褒諭之能忘是加贈爾爲一品夫人五色龍章播
門閭之令度重泉魚液耿綸綍以交輝

翰林院簡討朱國禎

勅曰朕邇雖靜攝而延見儒臣之意未嘗一日忘
也矧記言記動如史氏之職尤爲最親者歟彼其
悉朕之言動也朕是以悉其才品焉爾翰林院簡
討朱某誠心質行卓識弘文掄秀賢科服官禁苑
而爾操先恬雅學務博綜較讐不爽于墨朱甄別
共歸其衡鑑績隨歲著實與名符是用授爾階徵

言考舍集 卷之一 六十一
仕郎錫之勅命夫詞臣之用在意日用不自異日
裕也其重于世也曰是清華之秩秩又非能令人
重也道在用在人重秩重念之哉無負朕所以儲
爾者

勅曰朕觀詩燕喜有詠來諗有歌何臣爲母慶而
君亦爲其臣之母慶也先王體臣其道如此朕于
儒臣何獨不然爾吳氏乃翰林院簡討某之母躬
甘澹泊性本端嚴挽鹿以佐清修和熊而開慶緒
機絲簪珥知當年訓子之心象服笄珈侈今日旌

慈之典是用封爾爲孺人爛宸章于五色介春酒
于百年

翰林院簡討朱延禧

勅曰國家選制科之秀官之禁林匪直以剡藻負
斐然之望也夫亦將待用于異日焉是故班籍清
華而闈室之養先之爾翰林院簡討朱某淵緼雋
才純衷矚行陶成中秘列秩詞垣而爾學務洞源
文求經世誦讀博通乎八索編摩不愧于三長可爲
文行兼資華實並茂者矣茲以歲滿特授爾階徵

青藜舍集 卷之一 六十一
仕郎錫之勅命夫出入承明雍容綺墨士自謂甚
暇也而國家儲才而需之用方如望歲然故惟脩
之數年若不足者廼能用之一朝而有餘爾其無
負此暇日哉

勅曰人臣者入而奉清問于讜閒出而娛綵衣于
親舍斯不特天倫之樂抑亦庭訓之光也昭代體
臣夫是以有勲爵之典爾庠生朱希曾乃翰林院
簡討朱某之父喜施好義篤學通經旨寃先儒霧
雨偶垂乎豹變德昌後嗣雲霄高奮乎鳳毛方適

舞雩沂水之情坐觀金馬石渠之事義方足術華
綉爰頒是用封爾爲徵仕郎翰林院簡討紫宸敷
錫芝檢方新丹壑優遊椿齡未艾

戶部山西清吏司郎中王成德

制曰今大司農蒿日于懸磬而邊鎮荷戈之士嗷
嗷待哺者以鉅萬計匪得郎署之賢者調停均節
其間國何有攸濟爾戶部山西清吏司郎中王成
德誠心卓品介守通才鰲禁掄英鳩曹受事旣累
勞于香省尋分職于邊儲而爾操皎增冰顧盼杜

羣胥之竇惠覃挾續撫循騰萬竈之歡錢穀裕而金繒亦饒出入允而軍民咸悅茲以歲滿特授爾階奉政大夫錫之誥命夫所稱士大夫之跨節微獨利能黠之卽近名亦實政之累也頃_部爾政日月所羨輒入公需無類獻以市能名朕甚嘉焉爾其益懋哉持此以希往者李絳之風無難也

戶部廣東清吏司主事崔應科

勅曰朕觀周禮地官之屬六十大抵爲委積及泉府設也而以申禁明刑掌達法則麗焉何與若日

財天下之大命也惟慎刑之人爲能惜之爾爾戶部廣東清吏司署員外郎事主事崔某春省蜚英秋曹筮仕尋循宿譽擢貳潛郎而爾節植端方佐憲已稱明允才優會計署司尤著廉平覩斯調停均節之爲猶然懇惻生全之意茲以歲滿特授爾階承德郎錫之勅命昔漢文于決獄錢穀二事朝問大臣蓋其重也爾茲旣閱歷其事矣有如異日者進子大夫而訊之何以置對欽哉無以今茲之明試忘其所爲敷奏者

青齋舍集 卷之一
勅曰婦之于夫厥亦有攸贊焉當其剛柔贊之故
用法以仁當其柔剛贊之故臨利以義斯婦誼之
盛者也爾戶部廣東清吏司署員外郎事主事崔
某之妻王氏姻福爲儀真誠秉性格勤紛悅佐介
眉舞綵之歡祇相藁砧自美藿服鶉之日考績含
香之署茂歷兩曹揆勞內助之賢允稱四德所謂
糟糠之嘉耦爰頒綸綍之殊榮茲用封爾爲安人
蔚揚芬于彤管彌翼美于素絲

原任巡撫山東都察院右僉都御史尹德元

制曰越國而張天討允資宿飽之師航海以裕軍
儲宜僉元功之賞故有絲綸之渥寵以旌蜚輓之
勞臣爾某政練綿更望孚清議淵泓醞藉义乃益
徵盤錯才猷試殊輒效方東土撫循之日適島夷
跋扈之時詰戎鴨水深虞輜重之難待餉鯨波能
免樵蘇之患而爾焦勞饑歲僵起而逋亦完激發
忠心路阻而臻若赴巨舫聯舸泛怒浪以無涯雨
楫風帆應量沙而不爽遂使士無枵腹軍有見糧
睠茲耆定之勛詎泯轉輸之勤是仍授爾階中憲

大夫錫之誥命於戲脫巾謂何故足食在足兵之始墨衰已矣然忠臣求孝子之門勿謂禮樂壞崩無裨世用尚思邦國殄瘁不異家艱矢爾初心需庸異日欽哉

都察院右副都御史巡撫山東劉易從

制曰嶽牧奉行德意是爲宣化之臣齊魯拱衛皇畿號曰近郊之地任殊鴻鉅選藉老成屏翰允功旌褒宜渥爾原任山東布政使司左布政使今陞都察院右副都御史巡撫山東劉易從冰淵持志

經緯裕才對策綰符夙騰令望爲郎領郡游著芳聲嗣以惠威迺遷藩臬人宜其地五年聞遼水之澄見不怠潛六載遂東山之卧旣而再起隨颺歷以流動勲遂以今官蒞岷峨而受事而爾綏氓固本鞏蜀地于已安補伍儲威備播謀于未發比遷海岱兼值兵荒旣蒿目枵腹之民復徹土震鄰之寇勸分發廩息鴻鴈于澤中酌盈濟虛飽貔貅于海上人沐含膏之化吏式茹蘖之風功績最隆保釐無忝肆治狀甫聞于楓陛而爾名已藉于蘭臺是

用授爾階通奉大夫錫之誥命於戲大東小東或
憂杼軸一變再變乃底絃歌今昔猶之一官巡陌
資尹郊爲烈出入雖云異職補袞得賦政滋彰益
殫長猷用需寵命

制曰專藩敷化信歸棠棣之賢百兩宜家爰重桃
夭之淑未泯夙譽並荷彝章爾原任其妻封宜人
潘氏蘭蕙佩芳衿肇視訓陳箴帷業克遵鳧鴈之
規誦戒官常陰翼羔羊之節于沼于沚爾襄祀于
東方如山如河累膺榮于北闕珪璋允儷環珮中

捐顧方嶽而喻爲山功豈忘于覆篲味承流而譬
掘井爾弗逮于及泉是用贈爾爲夫人三命益隆
歆荷王綸之賁九原不朽永垂圖史之馨

制曰四方爰發臣道盛于日宣一德相成頌誼存
乎星警嘉穆功于主饋從窮爵而疏恩爾原任其
繼妻李氏幽貞毓性婉變秀閨託族高華作述名
碩組紉織袵贊衣被六郡之仁榛栗棗脩襄粒乃
蒸民之惠善兼四行月望擬隆烈赫二南風火起
化義允光于鳳卜典宜重以鸞函是用封爾爲夫

人臣矢猷于國寢揚梓栢之聲爾名媛于邦益恪
蘋蘩之任

山西布政司分守口北道左布政使孫維城
制曰我國定鼎北垂設防上谷銷萌固圉式重神
京雄畧壯猷允資藩彥鎖鑰之勲旣茂絲綸之命
攸隆爾某彬彬君子矯矯虎臣花邑標循霜臺抗
節歷官西土政并惠威移守北邊轄更左右而爾
殫心籌畫極力經營饋絕鞭靴鼓清風于弁類政
推肺腑孚眞愛于羶鄉雍容伏反側之安酋談笑

戢驕恣之市虜備克豫綢于桑土策不專恃乎羈
縻足稱樽俎之良有禪封疆之事茲以歲滿特授
爾階通奉大夫錫之誥命於戲虜辟豺狼不噬終
難狎玩師如虎豹在山爲蓄威靈爾尚益爲可戰
之形潛懾寒盟之志息氛塞上國將永賴其藩籬
推轂師中朕且優假以節鉞欽哉

陝西按察司副使荊州俊

制曰朕每懷關隴越在邊垂特分綱紀之司肆藉
惠文之使睠積勞于兩地足兵與足食兼隆知奉

法于六條外臺視內臺愈肅爰旌臬彥特布恩綸
爾陝西按察司副使荆州俊操履耿介心跡光明
筮仕花封邑潤隨車之雨蜚英蘭署延寒凝簡之
霜乃自東藩憲于西夏詎曰忠信無咎然而堅白
彌昭稽衆允孚自家特起而爾前勛尚茂後政維
新操百折而不回勇萬人而必往驛蹄獲息詰戎
獨嗜馳驅屯穀日增謀虜顧羞金幣備深桑土功
在封疆是用授爾中憲大夫錫之誥命於戲汲黯
直言寢干戈于淮國寇公重望鞏鎖鑰于北門欲

彼懷德畏威惟爾清標勁節獬豸盡境尚師上策
于周家鳥鼠同藏永淨渭波于禹貢欽哉

陝西鳳翔府知府汪應泰

制曰國家畫數邑而建一郡邑之外無郡也邑令
治民郡守治治民者治民者治而民安守斯良已
爾陝西鳳翔府知府汪應泰振藻軒墀宣勞銅墨
爰繇郎署出縮郡符而爾守凜秋霜仁敷湛露化
操切于俗吏刑清羞鞭上之滿噓紛錯以淳風訟
息生庭中之草人歌琴鶴品重羔羊惠允洽于八

區績適成于三歲是用授爾階中憲大夫錫之誥
命夫人臣位愈崇則所知愈約以故古相臣而下
人知二三人而止匪畧之也不如是則下侵且弗
專惡乎言治爾之官以知名尚慎旃哉將持此弁
驗爾于異日

直隸河間府知府葉煒

制曰河間周唐叔分封處也人貴德而俗敦朴成
周之遺風在焉今二千石之官其地者意有如羔
羊大夫以素絲之譽特著者乎是朕所樂聞而嘉

與也爾直隸河間府知府葉煒德器端凝才華炳
蔚蚤掄楓陛游試花封及郎署之踐更乃專城之
出牧而爾公廉率屬愷悌宜民平糴勸分獨瘁躬
于荒政募兵儲餉克修備于軍興足稱經濟之宏
才特建循良之偉績是用授爾階中憲大夫錫之
誥命夫古者名郡守于屏風注在官之跡其下惟
灼知之乃重秩之今爾所治才在王城外耳閭巷
風謠日達朕聽無俟屏注知旣灼矣方且以重秩
秩爾懋之哉無負朕命

直隸淮安府知府劉大文

制曰淮南故股肱郡於漕渠咽喉稱特重所爲旬
宣疆理豈下邑是式寔上國允藉之可與此者良
二千石乎爾直隸淮安府知府劉大文神識端凝
才猷洪遠早擢大庭之秀旋司天下之平效著祥
刑簡司名郡而爾勳勩繁劇勤卹彫殘已敘府事
之修更底河防之績明陟汝以率屬無忝矣特授
爾階中憲大夫錫之誥命夫淮昔漢汲大夫所守
也稽其治惟是責大指不苛而可以成卧理可以

寢逆謀爾今若不職戎事乎尚益懋前猷勉圖後
績出入禁闥稱社稷臣非異人任徃欽哉

河南歸德府推官田貢國

勅曰郡邑吏民所寄命也然他吏曹率以撫字而
司理獨以法夫以法而能與撫字者同造民命國
之旌之宜其亟已爾河南歸德府推官田貢國才
識宏深風規凝亮起鹿鳴而通籍擢鱸帳以分符
而爾律已清嚴宅心仁恕朗鑑照覆盆之隱祥飈
蕩肺石之寃治號廉平人稱淑問茲以歲滿特授

青藜舍集 卷之一 七
爾階文林郎錫之勅命夫國家方虛風霜之任以
待執法之臣而官譽多歸于寬政何也是惟軫心
向隅者爲能折奸跋扈一干搏擊所傷實多益朝
廷審官之法類如此爾其益茂勉于寬政哉

四川重慶府推官高折枝

勅曰昔人論戰至獄小大以情曰忠之屬也可以
一戰今屬非用兵時與朕每念其地司理之臣宜
必有推情于獄者今日之事庶幾賴之爾四川重
慶府推官高折枝大對起家平典佐郡裊躬無染

四知可質神明奉法惟公三尺不撓貴近引經以
斷得情筆下之單詞使獄無冤束手案傍之老吏
最書來奏朕用爾嘉是授爾階文林郎錫之勅命
夫理官天下之平也世有亂平之以兵人有亂平
之以法乃天吏逸德烈于猛火于法獨不然乎爾
其深味乎平之義無內虧無外溢尚亦有風乎將
兵者

直隸廣平府推官胡東漸

勅曰朕聞昔者歐陽氏爲理官觀書發歎爲獄求

生朕甚慕焉今之理官有若人與庶幾藉之以風天下爾胡某茂明秀品淵懿竒才擢萬言以起家操三尺而佐郡而爾褫躬若水清故不撓奉法如霜嚴能無震體束矢鈞金之意人或因悔以爲新準盜環犯蹕之科罰亦抵辜而卽止以若歲績之最允稱法吏之良是用授爾階文林郎錫之勅命夫三辟典于叔世秋荼之法非所以服民也傳不云乎同言而信信在言前法之服民亦猶是已朕將持此并觀爾異日焉欽哉

勅曰雋母喜而不疑有令名鄭母悲而善果無苛政夫非賢母乎然而君子少之謂及仕始誨其誨晚也豈不感動與棊幾何爾周氏乃胡某之母儉濟其勤勞成厥愛賢協提甕相夫振高蹈之風教凜裁機勗子稱亢宗之彥雖春暉倏匿不逮服官而慈訓宛存已徵折獄跡其明刑第以輔禮益猶設俎之餘乃若求生備極苦心似得和熊之益宜頒愍冊以永徽音是用贈爾爲孺人代釜庾以言思賁松楸而作耀

直隸大名府濬縣知縣張其忠

勅曰語有之監司衆而吏亂于位矣蓋掣肘與彌縫之事將從此起也不然監者不同同求其治治矣辟置白璧於五都之衢萬目之所共寶也爾某醞藉弘深風規凝遠三策擢秀百里分符而爾清白裊躬精勤敷政輕徭薄賦潛回境內之春詢瘼哀榮盡起溝中之瘠膏澤旁流于蔀屋仁聲近達于銓曹績滿賢書名高最牘是用授爾階文林郎錫之勅命今天下承平久矣民無復兢兢世禁瞋

目語難徃徃而是爾所治隸在京轂者也欽哉尚務和其民以幾古之稱保障者

嘉興知縣鄭振先

勅曰今海內所稱良令朕不克親見然見其績於最牘矣而人進而旌之論以朕意勢亦弗克也于是乎有璽書之賜爾嘉興縣知縣鄭振先醇明偉器經濟徽猷楓陛蜚聲花封受事而爾茹蘗芬華之境回春枯槁之餘興學右文士式彬彬之化勸耕巡陌人歌皞皞之風政績來聞朕心嘉悅是用

授爾階文林郎錫之勅命夫郡縣高第入爲臺省
國家所循匪漢制歟然必歷數歲而始一舉焉何
也天下惟真守不渝真才不匱真品不盈真精不
衰而異時大受終必賴之爾欽哉茂勉末路以需
後命

勅曰夫士激昂有成於內贊節操有成於室謫牧
民之理非必良令所自致也以故歲績之旌伉儷
同之爾鄭振先妻吳氏閤閱鍾英箴圖式訓克遵
孝養婉愉承鶴髮之權雖在華腴朴素翼羔絲之

節擬深仁于覆露嘉交警於瞻星是用封爾爲孺
人六珈渥荷國恩四德彌襄宦業

林縣知縣孫夢桂

勅曰夫民蘄乎安而止而風氣俗尚邑固各殊肆
取吏者不必于游試然游試乃可以觀吏矣爾河
南彰德府林縣知縣孫夢桂匡時偉器經國英猷
織塵罔著于胸中百里第籌于掌上民安若堵相
忘休息之仁賦集如流不見催科之令遺愛正歌
于棠陌成功爰奏于花封是用封爾爲文林郎錫

之勅命朕聞林慮依山爲縣宋興乃始有學以故
難吏於今何如夫太行有路康衢窘步凡大難必
有大易者焉爾其欽哉國固有殊典以待夫吏之
克艱者

零陵知縣周朝重

勅曰昔宋臣蘇洵建議重遠吏豈不以地遠則民
隱易閔哉今荆南距京師七千里朕惻然念焉吏
有奉揚德意於其地者與朕將特顯之以風天下
爾知縣周某典應賓興學繩祖武當官毋害所至

有聲雖職列荒裔之表而名聞輦轂之下茲以歲
滿用授爾階文林郎錫之勅命夫永州蛇說而不
聞乎零陵固其首邑也以爾之良固不難激昂清
風滌陋千古以永光爾祖之烈欽哉茂勉末路庸
膺後命

直隸興化縣知縣翁汝進

勅曰今職親民以愛勝也愛苟可遂令宜無難爲
者惟是邑重而劇時詘而事多可虞要以重安劇
理時濟事集而愛有加焉斯足術也爾翁某鍊識敏

才清操遠器筮茲巖邑島氛與偕而爾撫字轉輸之日綏輯擾攘之時紛錯犀剽迭亾蟻附以斯之績可謂曰嘉是用授爾階文林郎錫之勅命夫朕求士于廷而邑試之爲異日也需在異日基以今日而不觀之墉乎基不厭厚將大厥受爾敬懋哉

山西太原府陽曲縣知縣金勵

勅曰首邑之令衆令之表也而處都會縮轂之區獨號曰難吏難吏故寡良寡良故稱良者必衆良之光已夫然後可旌之以表于天下爾金某温文

雅度愷悌真心官自大廷游更奧壤而爾慮周政浹器利刃餘撫勤六德襁褓如流操皎四知門庭若水黃童白叟遐騰四野之權事治民安茂建三年之烈是用授爾階文林郎錫之勅命夫國以民爲本吏以自治如治民爲本古蓋有耻教化之罔宜而閉閣自責者矣是故居可與興理進可與責難國家取臺省于郡縣謂此也爾欽哉朕且有後命

陝西平涼府平涼縣知縣周三嘉

勅曰縣令之職親民朕于是寄德意焉苟能其官
微民則寧其亦庶乎王澤之下究也是故璽書之
褒朕無所愛爾陝西平涼府平涼縣知縣周三嘉
名播鄉書符分壯邑冰操惕已躬瘠而人有蓋藏
寬政宜民德渥而衆歌襦袴程書來奏賞率攸宜
是用授爾階文林郎錫之勅命夫平涼古朝那地
實鄰羌夏俗尚武敢良有自來然崆峒笄頭之間
廣成子遺跡不至今存乎有勇知方是存乎導之
者爾其欽哉

山東兗州府金鄉知縣任時芳

勅曰姤象施命夫命王者所以遇天下也今爲朕
親民之吏朕不能一一延見而旣見之治績矣璽
書之賜何但榮之庶幾若朕之面命乎其遇之也
爾任其賢良對策祇慎當官奉德意於畏品切痼
瘵而詢瘼冰持節操矢晶瑩粹白之思春覆閭閻
藹煦嘔噢咻之意民各安其田里愁嘆罔聞爾信
克厥官箴功勤丕茂式稽最牘爰覃旌章是用授
爾階文林郎錫之勅命國家近者東西多事浩繁

之餉民實任之民間蓋藏今復何如汲之頻泉之涸也爾能加意本根脂膏動念與朕將優陟女焉勅曰門外之政嬪無與焉相夫訓子其事也乃若夫也司教子也司牧咸克有聞功足多已馳貴追榮則國典于是乎在爾蘇氏乃任某之母秉德幽閑宜家勤儉揚紛佩燧孝名夙著于舅始弋鴈和熊令譽兼隆于夫子用使一瓊倡道鳴鐸臯比三策起家奮英鰲禁乃廣文之官獨冷藜羹不給于登年卽河陽之縣成花護草已萎于晚歲瞻吏績

之奏最豈毋誨之忘勞是用贈爾爲孺人遺闡錫

羨榮慈教于無窮華綉宣恩炤天章其有爛

河南開封府商水縣知縣趙思忠

勅曰朕慎選淑人君子而寄之百里之命將使究宣德澤與編氓共適恬愉也而或疾痛不關勤恤之政不聞朕甚悼之爾知縣趙思忠忠偉度兼才清操實政斂惟從薄災民起仆以更生法克奉公豪右回心而向化試以互鄉能易置之漢世稱良歲閱政聞朕嘉乃績是用授爾階文林郎錫之勅命

方今承平既久民往往有潢池之志矣中州之俗
右武而習豪皆我干城然不善撫之亦盜資也欽
哉務各寧爾宇稱朕綏輯至意

山西汾州府介休知縣史紀事

勅曰邑令親民職至鉅已肆士廷揚而令卑之則
朕心寄焉而乃有傳舍其署以梯清華謂吾民何
朕甚不取爾史某敏練通才特達遠器起家三策
作牧一方而爾政取便民道先潔已救荒有奇策
倣范文正之鳩工入廩無羨金媿李審諸之不槩

境醉畏壘之化里絕銖兩之姦卓爾歲勞中于賞
率是用授爾階文林郎錫之勅命夫獅巖雀谷之
間不有開元駐蹕遺跡哉彼安不怠危故躬瘳邊
邑若此也朕以良令抵勝兵計不西顧繫爾是賴
爾其益欽哉

直隸真定府饒陽知縣翟燿

勅曰邇者環畿之邑洊罹災祲而東餉內工誅求
相繼意吾民必有展轉失所者矣勞來安集厝之
生全之域非良有司誰與任此者爾翟某峻節清

嚴英猷秀拔棘闈登俊花邑分符而爾勞怨不辭
恩威益著心存振刷百爲悉有成功政務撫循萬
姓咸霑實惠嘉此噢咻之勤爰頒褒敘之章是用
授爾階文林郎錫之勅命夫士處圭蓬往往感時
政而太息令非其見志時歟自令而上位益高去
民乃益隔令自三年而後任益久與民乃益親爾
其茂勉末塗適觀厥成超陟有典行且爾及矣欽
哉

湖廣荊州府枝江知縣周仲士

勅曰昔西門氏治鄴蒙譴輒貶操於再爲以悟其
主朕甚不取彼不以功績自見而以術自明其謂
之何非貞臣之槩也爾周其制科蔚奮官譽夙聞
政慰扳轅讒逢投杼比窾言之旣息爰邑命之重
膺而爾撫摩益協于循良注厝彌周于德慧堅白
之操斯著困衡之助爲多茲以歲滿特授爾階文
林郎錫之勅命方今讒說震師爲世大病矣有司
以正風俗爲本務爾匪所謂折肱之良與欽哉朕
且以舜之命命汝

直隸池州府青陽縣知縣晏景卿

勅曰夫環百里而置之令閭里之間欲其親見而撫綏之也有能體德意而布實惠者朕不愛璽書旌異之爾其鄉闈薦秀鬻序傳經銅墨爰遷循良特著茹蘗甘澹泊之節迎刃遊盤錯之塗丕謚四封維新百度歲績來聞朕爾是嘉是用授爾階文林郎錫之勅命夫爲吏者非守不足以明潔非材不足以集事非慎終如始不足以典理爾之守與爲亦既有聞矣允終之道可弗講乎傳曰政如農功思其始而成其終爾尚益懋乃心欽哉

湖廣永州府東安縣知縣張進

勅曰朕倦切元元如農夫之望歲所以漑之霑之俾各適其天惟賢令是賴爾苟茂宣德意而祈寒暑雨之衆如親躋于朕之前而噢咻之也朕何憂焉爾東安縣知縣張進才識通明猷爲敏練鄉書薦秀巖邑分符而爾惠敷春溫操嚴冰潔朝勞夕瘁五事維脩含德飲和四封樂業仁心素敷於野峻賢聲茂著于天曹是用授爾階文林郎錫之勅

命夫零陵之地召信臣之所嘗撫也今其美政猶
有存者乎賢者之化久而不沒吏有維新之者慮
無不速肖焉爾其益懋哉以婉休前哲朕將取而
列之循良之林

卷之一終

